

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐՈՒԹՅՈՒՆ**

ՀԱՐԿ ՎՃԱՐՈՂԻ ՈՒՂԵՑՈՒՅՑ

ՀԱՍՏԱՏԱԳՐՎԱԾ ՎՃԱՐՆԵՐՈՎ ՀԱՐԿՄԱՆ ՈՒՇԻՄ

*Հասարակագրված վճարներով հարկման ռեժիմ – Սրբիսանակերպ,
2016, 48 էջ*

Նոր ստեղծված հարկ վճարողներին հասցեագրված այս ուղեցույցում շարադրված են հաստատագրված վճարներով հարկման ռեժիմի վերաբերյալ օգտակար և կարևոր տեղեկություններ, որոնց իմացությունը բիզնեսն արդյունավետ կազմակերպելու և հնարավոր սխալներից խուսափելու անհրաժեշտ պայմաններից է:

ՀԱՍՏԱՏԱԳՐՎԱԾ ՎՃԱՐՆԵՐՈՎ ՀԱՐԿՄԱՆ ՌԵԺԻՄ

ԼՂՀ-ում սահմանված են հարկերի հետևյալ տեսակները՝

շահութահարկ,
եկամտային հարկ,
ակցիզային հարկ,
ավելացված արժեքի հարկ,
գույքահարկ,
հողի հարկ:

Գործունեության որոշ տեսակների համար սահմանված են ավելացված արժեքի հարկին (այսուհետ՝ ԱԱՀ) և (կամ) շահութահարկին փոխարինող հաստատագրված վճարներ, առևտրի հարկ կամ արտոնագրային վճարներ:

Հաստատագրված վճարներով հարկման ռեժիմով գործող հարկ վճարողները կրում են հաստատագրված վճարների, օրենսդրությամբ սահմանված դեպքերում՝ եկամտային հարկի, գույքահարկի, հողի հարկի, իսկ իրավաբանական անձանց համար՝ նաև ավտոմոբիլային ճանապարհների շինարարության, նորոգման և պահպանման համար կատարվող մասհանումների հաշվարկման և վճարման պարտավորություն:

Նոր սրեղծված (պերսոնալ գրանցում սրացած կամ հաշվառված) և հավասարազիր սրացած հասարակագրված վճար վճարողները, բացառությամբ «Հասարակագրված վճարների մասին» ԼՂՀ օրենքի 7-րդ հոդվածի «Ժգ» (խաղաղների գործունեության կազմակերպում), «Ժդ» (շահումով խաղային ավտոմատների շահագործում), «Ժդ¹» (ինտերնետ շահումով խաղերի կազմակերպում), «Ժէ» (վիճակահաղերի կազմակերպում) և (կամ) «Ժը» (ավտոտրանսպորտային միջոցների գազալցման (գազալիցքավորման) գործունեություն) կերպով գործունեություն իրականացնող հարկ վճարողների, գործունեությունը սկսելու ամսվանից երեք ամսվա ընթացքում ազարվում են հասարակագրված վճարների կատարումից: Արտոնությունից օգրվելու պայմանները և սահմանափակումները սահմանված են «Հարկերի մասին» ԼՂՀ օրենքի 20.2-րդ հոդվածով:

**ԻՆՉ Է ԱՆՀՐԱԺԵՇՏ ԻՄԱՆԱԼ ՀԱՍՏԱՏԱԳՐՎԱԾ
ՎՃԱՐՆԵՐԻ ՄԱՍԻՆ**

Հաստատագրված վճարի հասկացությունը և վճարողները

Հաստատագրված վճարը **ԱԱՀ-ին** և (կամ) **շահութահարկին** փոխարինող բյուջե վճարվող պարտադիր և անհատույց վճար է:

Իրավաբանական անձանց համար հաստատագրված վճարը փոխարինում է ԱԱՀ-ի և (կամ) շահութահարկի գումարին:

Անհատ ձեռնարկատերերի համար հաստատագրված վճարը փոխարինում է ԱԱՀ-ի գումարին:

Հաստատագրված վճար վճարողներ են ֆիզիկական և իրավաբանական անձինք, իրավաբանական անձի կարգավիճակ չունեցող ձեռնարկությունները, բացառությամբ «Արտոնագրային վճարների մասին» ԼՂՀ օրենքով սահմանված կարգով արտոնագրային վճար վճարող համարվող անհատ ձեռնարկատերերի:

Հաստատագրված վճարով հարկվող օբյեկտը

Հաստատագրված վճարով **հարկվող օբյեկտ** են համարվում գործունեության հետևյալ տեսակները.

- առևտրի իրականացման վայրերից դուրս գտնվող 10 քառակուսի մետր առևտրական տարածքը չզերագանցող խանութների, կրպակների (տաղավարների) և այլ վաճառատեղերի միջոցով առևտրական գործունեությունը,

- առևտրի իրականացման վայրերում գտնվող 10 քառակուսի մետր առևտրական տարածքը չզերագանցող խանութների, տաղավարների, կրպակների միջոցով առևտրական գործունեությունը,

- հանրային սննդի ոլորտում իրականացվող գործունեությունը,

- ավտոտրանսպորտային գործունեությունը,

- վարսավիրական ծառայությունների մատուցման գործունեությունը,

- ավտոտեխսպասարկման կայանների (կետերի) գործունեությունը,

- ավտոկանգառների գործունեությունը,


- արդյունագործական ձկնորսության գործունեությունը,

- խաղատների գործունեության կազմակերպումը,

- շահումով խաղային ավտոմատների շահագործումը,
- ինտերնետ շահումով խաղերի կազմակերպումը,
- համակարգչային խաղերի կազմակերպումը,
- վիճակախաղերի կազմակերպումը,
- ավտոտրանսպորտային միջոցների գազալցման (գազալիցքավորման) գործունեությունը,
- բիլիարդ խաղի կազմակերպումը,
- բաղնիքների և ցնցողարանների կազմակերպումը,
- ատամնաբուժական ծառայությունների մատուցման գործունեությունը,
- ատամնատեխնիկական ծառայությունների մատուցման գործունեությունը:

Յուրաքանչյուր գործունեության համար հաստատագրված վճարը հաշվարկվում է ելակետային տվյալների և ուղղիչ գործակիցների որոշակի արտադրյալի չափով:

ՀԱՍՏԱՏԱԳՐՎԱԾ ՎՃԱՐԻ ՀԱԾՎԱԲԿՈՒՄԸ



**Հաստատագրված վճարների չափի հաշվարկման համար
բազմապատիկ թվի, ելակետային տվյալների, ուղղիչ գործակիցների
մասին**

**1. Առևտրի իրականացման վայրերից դուրս գտնվող 10 քառակուսի
մետր առևտրական տարածքը չգերազանցող խանութների,
կրպակների (տաղավարների) և այլ վաճառատեղերի միջոցով
առևտրական գործունեություն**

Ելակետային տվյալներ	
Առևտրական տարածքի մակերեսը	
Ամսվա ընթացքում գործունեության իրականացման օրացուցային օրերի թիվը	
X	
Ուղղիչ գործակիցներ	
ք. Ստեփանակերտ	1.0-1.3
Շրջկենտրոններ	1.0
Այլ վայրեր	0.25-0.5
X	
Լրացուցիչ ուղղիչ գործակիցներ	
Օրենքով ԱԱՀ-ից ազատված ապրանքատեսակների վաճառքից ստացված հասույթը 50 %-ը (սահմանային չափը) գերազանցելու դեպքում	0.7
Առանց մաքսային մարմիններում ԱԱՀ վճարելու վճարողի կողմից ԼՂՀ ներմուծված ապրանքների վաճառքից ստացված հասույթի տեսակարար կշիռը 50 %-ը (սահմանային չափը) գերազանցելու դեպքում	1.4
Բացառապես նկուղային հարկերում տեղադրված խանութների, կրպակների (տաղավարների) համար	0.8

} X 32

2. Առևտրի իրականացման վայրերում գտնվող 10 քառակուսի մետր առևտրական տարածքը չգերազանցող խանութների, տաղավարների, կրպակների միջոցով առևտրական գործունեություն

Ելակետային տվյալ	
Առևտրական տարածքի մակերեսը	

X

Ուղղիչ գործակիցներ	
ք. Ստեփանակերտ	1.0
Շրջկենտրոններ	0.6
Այլ վայրեր	0.3

X 660

3. Հանրային սննդի ոլորտում իրականացվող գործունեություն

Ելակետային տվյալ	
Սպասարկման սրահի մակերեսը (արտաքին բուֆետների և սպասարկման սրահ չունեցող այլ վայրերի համար սպասարկման մակերեսն ընդունվում է 20 քառակուսի մետր)	

X

Ուղղիչ գործակիցներ	
Բացօթյա վայրերի համար տարածքի օգտագործման գործունի հետ կապված	0.7
Սպառողների սահմանափակ քանակակազմ ունեցող օբյեկտների համար	0.5
Սպասարկման սրահի մինչև 50 քառակուսի մետրը չգերազանցելու դեպքում	0.75
Սպասարկման սրահի մինչև 150 քառակուսի մետրը չգերազանցելու դեպքում	0.85
Սպասարկման սրահի մինչև 300 քառակուսի մետրը չգերազանցելու դեպքում	1.0

X

Լրացուցիչ ուղղիչ գործակիցներ	
Բացօթյա վայրերի համար մայիս-սեպտեմբեր ամիսներին	1.2
Բար-վարետների, բեմակամուրջային ցուցադրումներ ունեցող հանրային սննդի այլ վայրերի, ինչպես նաև գիշերային ժամերին աշխատող բարերի համար	1.5
Սպասարկման սրահի 500 քառակուսի մետրը չգերազանցելու դեպքում՝ 300 քառակուսի մետրը գերազանցող մակերեսի համար	0.6
Սպասարկման սրահի 500 քառակուսի մետրից ավելի մակերեսի դեպքում՝ 500 քառակուսի մետրը գերազանցող մակերեսի համար	0.3
Շահումյանի, Շուշիի, Քաջաբաղի շրջանների համար	0.5
Ասկերանի, Հաղրուբի, Մարտակերտի, Մարտունու շրջաններում հանդիսությունների, արարողությունների կամ համանման այլ միջոցառումների կազմակերպման համար նախատեսված 80 քառակուսի մետր և ավելի մակերես ունեցող սրահի միջոցով	0.5
Առևտրի իրականացման վայրերում արտաքին բուֆետների (շարժական և հատուկ սարքավորումներով խոհարարական արտադրանքի պատրաստմամբ և սպասարկմամբ զբաղվող) և սպասարկման սրահ չունեցող այլ վայրերի համար	0.5

X 1500

4. Քաղնիքների և ցնցուղարանների կազմակերպում

Ելակետային տվյալ		} X 2 000
Շենք-շինությունների ընդհանուր մակերեսը		
X		
Ուղղիչ գործակիցներ		}
Սաունաների և (կամ) շոգեբաղնիքների համար	0.5	
Սաունաներում և (կամ) շոգեբաղնիքներում չընդգրկված բաղնիքների և (կամ) ցնցուղարանների համար	0.25	

5. Ավտոտրանսպորտային գործունեություն

5.1. Թեքև մարդատար ավտոմեքենաներով գործունեություն

Ելակետային տվյալ		} X 2000
1.0		
X		
Ուղղիչ գործակիցներ		}
ք. Ստեփանակերտ	3.0	
Այլ բնակավայրեր	2.8	

5.2. Բեռնատար ավտոմեքենաներով գործունեություն

Ելակետային տվյալ		} X 2000
Բեռնատարողությունը (տոննա)		
X		
Ուղղիչ գործակից		}
1.6		

5.3. Ավտոբուսներով և (կամ) միկրոավտոբուսներով գործունեություն

Ելակետային տվյալներ	
Նստատեղերի քանակ	
Ամսվա ընթացքում տրանսպորտային գործու նեության իրականացման օրերի թիվը, որը չի կարող պակաս լինել տրանսպորտի բնագավառի լիազորված մարմնի կողմից հաստատված կանոնավոր երթուղու չվացուցակի օրերի թվից	

X		
Ուղղիչ գործակիցներ		
Երթուղիների հետ կապված՝		
միջըրջանային, այդ թվում՝	Ստեփանակերտի և շրջկենտրոնների միջև	այլ միջըրջանային երթուղիներում, այդ թվում՝ Ստեփանակերտ քաղաքի հետ
	1.0	0.6
ներըրջանային	0.2	
ներքաղաքային, այդ թվում՝	Ստեփանակերտ քաղաքում	մնացած քաղաքներում
	1.1	0.7
միջպետական, այդ թվում՝	ՀՀ-ի հետ	ՀՀ-ից դուրս
	1.5	4.0

X	
Լրացուցիչ ուղղիչ գործակիցներ	
17 և ավելի նստատեղ ունեցող ավտոբուսներով ներհանրապետական երթուղիների սպասարկման համար	0.8
ԼՂՀ կառավարության սահմանած ցանկում ընդգրկված երթուղիների համար	0.5

} X 100

6. Վարսավիրական ծառայությունների մատուցման գործունեություն

Ելակետային տվյալներ	
Աշխատատեղերի քանակը	
Ամսվա ընթացքում գործունեության իրականացման օրացուցային օրերի թիվը	

X	
Ուղղիչ գործակիցներ	
ք. Ստեփանակերտ	1.0
Այլ վայրեր	0.6

} X 420

7. Ավտոտեխսպասարկման կայանների (կետերի) գործունեություն

Ելակետային տվյալ	
Աշխատատեղերի քանակը	
X	
Ուղղիչ գործակիցներ	
բ. Ստեփանակերտ	1.0
Այլ վայրեր	0.8

} X 15000

8. Ավտոտրանսպորտային միջոցների գազալցման (գազալիցքավորման) գործունեություն

Ելակետային տվյալ		
Խորոզակների քանակը		
X		
Ուղղիչ գործակիցներ		
	Բնական գազ	Հեղուկ գազ
Ստեփանակերտ քաղաքի վարչական սահմանում և դրանից դուրս՝ ուղիղ գծով 4 կմ հեռավորության վրա	1.0	1.0
Այլ վայրեր	0.4	0.8

} **Բնական գազ X 500 000**, բայց ոչ պակաս ամսվա ընթացքում ստացված գազի ծավալի նկատմամբ 1 լիմ գազի հաշվով 10 դրամ հաշվարկային դրույթաչափով հաշվարկված գումարը

Հեղուկ գազ X 100 000

9. Ավտոկանգառների գործունեություն

Ելակետային տվյալներ	
Տարածքը (քառ.մ)	
Ամսվա ընթացքում գործունեության իրա կանացման օրացուցային օրերի թիվը	
X	
Ուղղիչ գործակից	
Գտնվելու վայրի հետ կապված	0.8

} X 5

10. Արդյունագործական ձկնորսության գործունեություն

Ելակետային տվյալներ	
Որսագործիքների քանակը	
Ամսվա ընթացքում գործունեության իրականացման օրացուցային օրերի քիվը	
X	
Ուղղիչ գործակիցներ	
Դ-նովի ցանցի համար	1.0
Դ-նովի և ձգովի ուռկանների համար	
-մինչև 200 մետրը ներառյալ	46.0
-200-250 մետրը ներառյալ	52.0
-250-300 մետրը ներառյալ	60.0
-300-350 մետրը ներառյալ	66.0
-350-400 մետրը ներառյալ	72.0
-400 մետրից ավելի	80.0
Քսակավոր ուռկանի համար	120.0
Այլ որսագործիքների համար	66.0

} **X 150**

11. Խաղատների գործունեություն

Ելակետային տվյալ
Տեղադրված խաղասեղանների քանակը

} **X 1 500 000**

12. Շահումով խաղային ավտոմատների շահագործում

Ելակետային տվյալ	
Լոտոտրոն, բինգո և մեխանիկական վիճակահանության համար ծրագրավորված այլ սարքերի համար՝ խաղասրահի մակերեսը՝ քառակուսի մետրերով	} X 10 000
Այլ տեղադրված (առկա) ավտոմատների համար՝ տեղադրված (առկա) ավտոմատների քանակը	} X 50 000

13. Ինտերնետ շահումով խաղերի կազմակերպում

Ելակետային տվյալ	
Ցանցային կապուղիների միջոցով ինտերնետ շահումով խաղերի կազմակերպման համար ինտերնետային կայքերի թիվը	} X 800 000
Ամփիջականորեն ինտերնետ շահումով խաղերի կազմակերպման համար համակարգիչների քանակը	

14. Համակարգչային խաղերի կազմակերպում

Ելակետային տվյալ	
Տեղակայած մոնիտորների քանակը	} X 10 000
X	
Ուղղիչ գործակիցներ	
բ. Ս տեսիլանակերտ	2.0
Շրջկենտրոններ	1.5
Գլոխակալ վայրեր	1.0

15. Վիճակախաղերի կազմակերպում

Խաղարկությունով և ոչ խաղարկությունով, ինչպես նաև համակցված վիճակախաղերի կազմակերպում

Ելակետային տվյալ	
Ամսվա ընթացքում անցկացված խաղարկությունների համար իրացված վիճակախաղերի տոմսերի ընդհանուր արժեքը	} X 20 %

16. Քիլիարդ խաղի կազմակերպում

Ելակետային տվյալ		}	X 20 000
Խաղասեղանների քանակը			
X			
Ուղղիչ գործակիցներ		}	
ք. Ստեփանակերտ	1.0		
Ստեփանակերտ քաղաքից դուրս	0.7		

17. Ատամնաբուժական ծառայությունների մատուցման գործունեություն

Ելակետային տվյալ		}	X 40 000
Բազկաբռնների քանակը			
X			
Ուղղիչ գործակիցներ		}	
ք. Ստեփանակերտ	1.5		
Ստեփանակերտ քաղաքից դուրս	0.5		

18. Ատամնատեխնիկական ծառայությունների մատուցման գործունեություն

Ելակետային տվյալ		}	X 40 000
Աշխատատեղերի թիվը			
X			
Ուղղիչ գործակիցներ		}	
ք. Ստեփանակերտ	1.5		
Ստեփանակերտ քաղաքից դուրս	0.5		
X			
Լրացուցիչ ուղղիչ գործակից		}	
Ատամնաբուժական պոլիկլինիկաների, կենտրոնների կամ կաբինետների կազմում գործող ատամնատեխնիկական ծառայությունների մատուցման յուրաքանչյուր աշխատատեղի համար			
			0.8

Հաստատագրված վճարով հարկվող գործունեության որոշ տեսակների համար սահմանված են *սահմանային չափեր*: Գրանք են՝

1. առևտրի իրականացման վայրերից դուրս գտնվող 10 քառակուսի մետր առևտրական տարածքը չգերազանցող խանութների, կրպակների (տաղավարների) միջոցով առևտրական գործունեություն իրականացնելու համար՝ եռամսյակի ընթացքում (անկախ գործունեության իրականացման օրերի թվից) առևտրական տարածքի 1 քառակուսի մետրի համար 1000.0 հազար դրամ, իսկ «Հարկերի մասին» ԼՂՀ օրենքի 20¹-րդ հոդվածով սահմանված կարգով և ժամկետներում հայտարարագիր ներկայացրած անհատ ձեռնարկատերերի մասով՝ կիսամսյակի ընթացքում՝ 2000.0 հազար դրամ ապրանքաշրջանառության ծավալը գերազանցելը,

2. առևտրի իրականացման վայրում առևտրական գործունեություն իրականացնելու համար՝ եռամսյակի ընթացքում (անկախ գործունեության իրականացման օրերի թվից) առևտրական տարածքի 1 քառակուսի մետրի հաշվով ապրանքաշրջանառության ծավալը 1000.0 հազար դրամը և ոսկերչական արտադրատեսակների վաճառք իրականացնողների համար՝ 2100.0 հազար դրամը, իսկ «Հարկերի մասին» ԼՂՀ օրենքի 20¹-րդ հոդվածով սահմանված կարգով և ժամկետներում հայտարարագիր ներկայացրած անհատ ձեռնարկատերերի մասով՝ կիսամսյակի ընթացքում՝ 2000.0 հազար դրամը և ոսկերչական արտադրատեսակների վաճառք իրականացնողների համար՝ 4200.0 հազար դրամը գերազանցելը,

3. հանրային սննդի ոլորտում գործունեություն իրականացնելու համար եռամսյակի ընթացքում սպասարկման մակերեսի 1 քառակուսի մետրի համար 200.0 հազար դրամ, իսկ «Հարկերի մասին» ԼՂՀ օրենքի 20¹-րդ հոդվածով սահմանված կարգով և ժամկետներում հայտարարագիր ներկայացրած անհատ ձեռնարկատերերի մասով՝ կիսամսյակի ընթացքում՝ 400.0 հազար դրամ ապրանքաշրջանառության ծավալը գերազանցելը,

4. ավտոտեխսպասարկման կայանների (կետերի) գործունեության համար՝ եռամսյակի ընթացքում մեկ աշխատատեղի համար 2400.0 հազար դրամ, իսկ «Հարկերի մասին» ԼՂՀ օրենքի 20¹-րդ հոդվածով սահմանված կարգով և ժամկետներում հայտարարագիր ներկայացրած

անհատ ձեռնարկատերերի մասով՝ կիսամյակի ընթացքում՝ 4800.0 հազար դրամ իրացման շրջանառությունը գերազանցելը:

Սահմանային չափը գերազանցելու դեպքում հաստատագրված վճար վճարողը սահմանային չափը գերազանցած ժամանակաշրջանի համար հաշվարկում է շահութահարկ և ԱԱՀ: Տվյալ ժամանակաշրջանի համար վճարված հաստատագրված վճարի գումարը հաշվանցվում է ԱԱՀ-ի և (կամ) շահութահարկի հաշվին:

Հաշվարկային փաստաթղթերի դուրսգրման կարգը

Հաստատագրված վճար վճարողներն ապրանքների մատակարարման, ծառայությունների մատուցման համար դուրս են գրում հաշվարկային փաստաթղթեր, սակայն ԱԱՀ-ի դրույքաչափի և գումարի վերաբերյալ առանձնացված նշում չեն կատարում (հարկային հաշիվ դուրս չեն գրում):

Հարկի գումարի առանձնացման դեպքում պետական բյուջե վճարման ենթակա ԱԱՀ-ն հաշվարկվում և վճարվում է սահմանված ընդհանուր կարգով՝ անկախ հաստատագրված վճարների կատարումից:

Ելակետային տվյալների և ուղղիչ գործակիցների վերաբերյալ հայտարարությունների, տեղեկությունների ներկայացման, հաստատագրված վճարի հաշվարկման և վճարման ժամկետները

Ելակետային տվյալների և ուղղիչ գործակիցների վերաբերյալ հայտարարությունները ներկայացվում են հարկային մարմին՝

ինչպես նաև շահումով խաղերի կազմակերպիչների կողմից՝ ամիսը մեկ անգամ՝ մինչև հաշվետու ամսվան նախորդող ամսվա վերջին աշխատանքային օրը ներառյալ,

ավտորանսապրորային գործունեություն իրականացնողների կողմից՝ եռամսյակը մեկ անգամ՝ մինչև հաշվետու եռամսյակին նախորդող ամսվա վերջին աշխատանքային օրը ներառյալ,

խաղարկությունով և ոչ խաղարկությունով, ինչպես նաև համակցված վիճակախաղերի կազմակերպման գործունեություն իրականացնողների կողմից ամիսը մեկ անգամ՝ մինչև տվյալ ամսվան հաջորդող ամսվա 20-ը ներառյալ,

գործունեության մյուս տեսակներ իրականացնողների կողմից հու-

նիս և ղեկտեմբեր ամիսների ընթացքում:

Սահմանային չափերի վերաբերյալ տեղեկությունները ներկայացվում են հարկային մարմին՝

առևտրի իրականացման վայրերից դուրս գտնվող և առևտրի իրականացման վայրերում 10 քառակուսի մետր առևտրական տարածքը չգերազանցող խանութների, կրպակների (տաղավարների) միջոցով առևտրական և հանրային սննդի, ավտոտեխսպասարկման կայանների գործունեություն իրականացնողների կողմից եռամսյակը մեկ անգամ՝ մինչև հաշվետու եռամսյակին հաջորդող ամսվա 20-ը ներառյալ, իսկ «Հարկերի մասին» ԼՂՀ օրենքի 20¹-րդ հոդվածով սահմանված կարգով և ժամկետներում հայտարարագիր ներկայացրած անհատ ձեռնարկատերերը՝ յուրաքանչյուր կիսամյակի արդյունքներով՝ մինչև կիսամյակին հաջորդող ամսվա 20-ը ներառյալ:

Ավտոտրանսպորտային միջոցների գազալիցքավորման գործունեություն իրականացնողները, յուրաքանչյուր ամսվա արդյունքներով, տեղեկություններ են ներկայացնում ամսվա ընթացքում իրենց կողմից ստացված գազի ֆիզիկական ծավալների վերաբերյալ մինչև հաջորդ ամսվա 20-ը ներառյալ:

Հաստատագրված վճարը հաշվարկվում է յուրաքանչյուր ամսվա համար և բյուջե է վճարվում մինչև տվյալ ամսվան հաջորդող ամսվա 20-ը ներառյալ:

Օրենքի պահանջները խախտելու համար սահմանված պատասխանատվությունը

Հաստատագրված վճարի հիմնավորված չլինելու դեպքում գանձվում է տուգանք՝ հաստատագրված վճարի 20 %-ի չափով, իսկ մեկ տարվա ընթացքում նույն գործունեության տեսակի գծով նույն խախտումը կրկնելու դեպքում տուգանք՝ 40 %-ի չափով:

**ՀԱՍՏԱՏԱԳՐՎԱԾ ՎՃԱՐ ՎՃԱՐՈՂՆԵՐԻ ԿՈՂՄԻՅ ԱՅԼ
ՀԱՐԿԵՐԻ ՎՃԱՐՈՒՄԸ**

ԵԿԱՄՏԱՅԻՆ ՀԱՐԿ

ԼՂՀ-ում եկամտային հարկի հաշվարկման և վճարման հետ կապված հարաբերությունները, հարկ վճարողների շրջանակը, դրույքաչափերը, հաշվարկման և վճարման կարգը սահմանված են «Եկամտային հարկի մասին» ԼՂՀ օրենքով:

Ովքե՞ր են եկամտային հարկ վճարում

ԼՂՀ-ում եկամտային հարկ վճարողներ են համարվում ԼՂՀ ռեզիդենտ և ԼՂՀ ոչ ռեզիդենտ ֆիզիկական անձինք, այդ թվում՝ անհատ ձեռնարկատերերը:

«Եկամտային հարկի մասին» ԼՂՀ օրենքի իմաստով *ռեզիդենտ* է համարվում այն ֆիզիկական անձը, որը հարկային տարում (հունվարի 1-ից դեկտեմբերի 31-ը ներառյալ) սկսվող կամ ավարտվող տասներկուամսյա ցանկացած ժամանակահատվածում գտնվել է ԼՂՀ-ում ընդհանուր առմամբ 183 օր և ավելի, կամ որի կենսական շահերի կենտրոնը ԼՂՀ-ում է, ինչպես նաև ԼՂՀ-ում պետական ծառայության մեջ գտնվող ժամանակավորապես ԼՂՀ տարածքից դուրս աշխատող ֆիզիկական անձը:

Կենսական շահերի կենտրոն է համարվում այն վայրը, որտեղ կենտրոնացված են անձի ընտանեկան կամ տնտեսական շահերը: Մասնավորապես համարվում է, որ ֆիզիկական անձի կենսական շահերի կենտրոնը ԼՂՀ-ում է, եթե այնտեղ է գտնվում տունը կամ բնակարանը (որտեղ բնակվում է նրա ընտանիքը) և նրա (ընտանիքի) անձնական կամ ընտանեկան հիմնական գույքը կամ հիմնական տնտեսական (պրոֆեսիոնալ) գործունեության իրականացման վայրը:

«Եկամտային հարկի մասին» ԼՂՀ օրենքի իմաստով *ոչ ռեզիդենտ* է համարվում այն ֆիզիկական անձը, որը չի բավարարում վերոնշյալ նկարագրին:

Հարկվող եկամուտը

Հարկվող եկամուտը ֆիզիկական անձի հաշվետու ժամանակաշրջանի համախառն եկամտի և «Եկամտային հարկի մասին» ԼՂՀ օրենքով սահմանված նվազեցումների դրական տարբերությունն է:

Օրենքով սահմանված նվազեցումներ են՝

- նվազեցվող եկամուտները,
- ծախսերը:

Տարեկան եկամուտների հաշվարկ ներկայացնող անհատ ձեռնարկատերերը տարեկան համախառն եկամուտը կարող են նվազեցնել ձեռնարկատիրական գործունեության եկամուտների ստացման հետ կապված անհրաժեշտ և փաստաթղթերով հիմնավորված ծախսերի չափով: Ծախսերը հիմնավորող փաստաթղթերի նկատմամբ ներկայացվող պահանջները սահմանված են ԼՂՀ կառավարության 26.12.2000թ. N 254 որոշմամբ: Անհատ ձեռնարկատիրոջ կատարած ծախսերը (այդ թվում՝ էլեկտրաէներգիայի, կապի և կոմունալ այլ ծախսերը) համարվում են ձեռնարկատիրական գործունեության գծով փաստաթղթերով հիմնավորված ծախսեր, եթե դրանք կատարվել են որպես անհատ ձեռնարկատեր: Եթե ձեռնարկատիրական գործունեության գծով արդյունքը բացասական է, ապա այն՝ որպես հաշվետու տարվա ձեռնարկատիրական գործունեությունից վնաս, փոխանցվում է վնասի ստացման տարվան հաջորդող 3 տարիներ և կարող է նվազեցվել միայն հետագա տարիներում ձեռնարկատիրական գործունեությունից ստացված եկամուտներից:

Համախառն եկամուտը և նվազեցվող եկամուտները

Համախառն եկամուտը հաշվետու ժամանակաշրջանում հարկ վճարողի ստացած (ստացման ենթակա) բոլոր եկամուտների հանրագումարն է: Եկամուտ է համարվում ձեռնարկատիրական գործունեությունից, աշխատանքային պայմանագրերի շրջանակներում ստացման ենթակա, քաղաքացիաիրավական պայմանագրերի շրջանակներում կամ ցանկացած այլ հիմքով ստացված գույքը (դրամական և բնամթերային (ոչ դրամական) ձևով եկամուտները): Սակայն եկամտի որոշ տեսակներ՝ ներառվելով համախառն եկամտի մեջ, միաժամանակ նվազեցվում են այդ եկամտից: Համախառն եկամտից նվազեցվող եկամուտներ

րի տեսակները սահմանված են «Եկամտային հարկի մասին» ԼՂՀ օրենքի 6-8-րդ հոդվածներով:

Հաստատագրված վճար վճարողները եկամտային հարկը հաշվարկում են.

• **Որպես հարկային գործակալ՝** անհատ ձեռնարկատեր չհանդիսացող ֆիզիկական անձին օրենքով սահմանված եկամուտներ վճարելիս (իսկ աշխատավարձի և դրան հավասարեցված վճարումների դեպքում՝ հաշվարկելիս)՝ յուրաքանչյուր վճարման (հաշվարկման) դեպքում, կրում են եկամտային հարկը հաշվարկելու, պահելու և բյուջե փոխանցելու պարտավորություն.

Հարկային գործակալի միջոցով՝ ամսական հարկվող եկամուտներից՝

$$\text{Եկամտային հարկը} = \text{Ամսական հարկվող եկամուտ} \times 21 \%$$

$$\text{Ամսական հարկվող եկամուտը} = \text{Ամսական համախառն եկամուտ} - \text{Նվազեցվող եկամուտ}$$

• **Հաստատագրված վճար վճարող անհատ ձեռնարկատերերի կողմից ինքնուրույնաբար՝** տարեկան հարկվող եկամուտներից՝

$$\text{Եկամտային հարկ} = \text{Տարեկան հարկվող եկամուտ} \times 10 \%, \text{ բայց ոչ պակաս } 60.0 \text{ հազար դրամից}$$

$$\text{Տարեկան հարկվող եկամուտը} = \text{Տարեկան համախառն եկամուտ} - \text{Նվազեցվող եկամուտ} - \text{Ծախսեր}$$

Նվազագույն եկամտային հարկ վճարվում է ամսական 5.0 հազար դրամի չափով՝ յուրաքանչյուր ամսվա համար մինչև տվյալ ամսվան հաջորդող ամսվա 20-ը (ներառյալ):

• Անհատ ձեռնարկատեր չհանդիսացող ֆիզիկական անձանց ու-

յալթիներից, գույքի վարձակալությունից ստացված եկամուտներից և ֆիզիկական անձանցից գույք ձեռք բերելու դիմաց վճարվող եկամուտներից **հարկային գործակալը** եկամտային հարկը հաշվարկում է առանձին 6 % դրույքաչափով, իսկ օտարերկրյա քաղաքացիների ռոյալթիներից, գույքը վարձակալության տալուց ստացված եկամուտներից, գույքի արժեքի հավելաճից՝ 10 % դրույքաչափով, ապահովագրական հատուցումներից և փոխադրման (ֆրախտի) դիմաց վճարվող եկամուտներից 5 % դրույքաչափով՝ առանց որևէ նվազեցման:

- ԼՂՀ քաղաքացիներին վճարվող տոկոսների դիմաց եկամտային հարկը հաշվարկվում է 5 % դրույքաչափով՝ հաշվի չառնելով օրենքով սահմանված նվազեցումները, իսկ օտարերկրյա քաղաքացիներին՝ 10 % դրույքաչափով՝ առանց որևէ նվազեցման:

- Այն դեպքում, երբ հարկային գործակալը ֆիզիկական անձին վճարում է եկամուտ՝ առանց գրավոր պայմանագիր (օրենքով պահանջվող տվյալների պարտադիր նշումով) կնքելու (բացառությամբ՝ աշխատանքների կատարման, ծառայությունների մատուցման դիմաց եկամուտներ վճարելիս) **եկամտային հարկը** հաշվարկում և պահում է 10 % դրույքաչափով՝ վճարված եկամուտների նկատմամբ՝ առանց հաշվի առնելու սույն օրենքով սահմանված նվազեցումները, բացառությամբ այն դեպքերի, երբ հարկ վճարողին վճարված եկամուտները հիմնավորվել են հսկիչ-դրամարկղային մեքենաների կտրոններով կամ կրճատ հաշիվ-ապրանքագրերով:

Հարկային գործակալները յուրաքանչյուր ամիս 21 % դրույքաչափով հաշվարկում են եկամտային հարկը՝ դրանից պակասեցնելով վարձու աշխատողների (ԼՂՀ քաղաքացի, օտարերկրացի) համար հաշվարկված և տվյալ ամսում պետական բյուջեի հաշվին վճարվող՝ փաստացի վճարված ժամանակավոր անաշխատունակության նպաստների գումարները (ժամանակավոր անաշխատունակության նպաստները պակասեցված են համարվում պակասեցման ամսվան հաջորդող ամսվա 20-ից):

- Առևտրի իրականացման վայրերում գտնվող 10 քառակուսի մետր առևտրական տարածքը չգերազանցող խանութների, տաղավարների, կրպակների միջոցով առևտրական գործունեություն իրականացնողները ազատվում են «Եկամտային հարկի մասին» ԼՂՀ օրենքի 11-րդ

հողվածի 7-րդ մասով հարկային գործակալի համար սահմանված պարտավորությունների կատարումից:

Անհատ ձեռնարկատեր հանդիսացող առևտրի իրականացման վայրերում գտնվող 10 քառակուսի մետր առևտրական տարածքը չգերազանցող խանութների, տաղավարների, կրպակների միջոցով առևտրական գործունեություն իրականացնողների վրա չեն տարածվում «Եկամտային հարկի մասին» ԼՂՀ օրենքով նախատեսված եկամտի ստացման հետ կապված ձեռք բերված ապրանքների համար կատարած ծախսերի հիմնավորման նկատմամբ ներկայացվող պահանջները:

- Բացառապես առևտրի իրականացման վայրերից դուրս գտնվող 10 քառակուսի մետր առևտրական տարածքը չգերազանցող խանութների, կրպակների (տաղավարների) և այլ վաճառատեղերի միջոցով առևտրական գործունեություն իրականացնողներն ազատվում են «Եկամտային հարկի մասին» ԼՂՀ օրենքի 11-րդ հոդվածի 7-րդ մասով հարկային գործակալի համար սահմանված պարտավորությունների կատարումից, եթե առկա են ՀՀ-ից ԼՂՀ տարածք ապրանքների ներմուծման փաստը հաստատող փաստաթղթերը (ներմուծման հայտարարագրերը):

Բացառապես առևտրի իրականացման վայրերից դուրս գտնվող 10 քառակուսի մետր առևտրական տարածքը չգերազանցող խանութների, կրպակների (տաղավարների) և այլ վաճառատեղերի միջոցով առևտրական գործունեություն իրականացնող անհատ ձեռնարկատերերի վրա չեն տարածվում «Եկամտային հարկի մասին» ԼՂՀ օրենքով նախատեսված եկամտի ստացման հետ կապված ձեռք բերված ապրանքների համար կատարած ծախսերի հիմնավորման նկատմամբ ներկայացվող պահանջները, եթե առկա են ՀՀ-ից ԼՂՀ տարածք ապրանքների ներմուծման փաստը հաստատող փաստաթղթերը (ներմուծման հայտարարագրերը):

Եկամտային հարկի դրույքաչափերը

Եկամտի տեսակ	Գրույքաչափ	
	ԼՂՀ քաղաքացի	Օտարերկրացի
1. Աշխատավարձ, դրան հավասար եցված եկամուտներ	21%	
2. Ռոյալթի	6%	10%
3. Տոկոս	5%	10%
4. Շահում	21%	
5. Սրբանակ	21%	
6. Նվիրատվություն, օգնություն	21%	
7. Ապահովագրական հատուցում	21%	5%
8. Գույքն օտարելու դիմաց եկամուտ	6%	x
9. Գույքի արժեքի հավելած	x	10%
10. Վարձավճար	6%	10%
11. Փոխադրման (ֆրախտի) դիմաց եկամուտ	21%	5%
12. Ֆիզիկական անձի համար ապահովագրավճար	21%	
13. Կամավոր կենսաթոշակներ	6%	
14. Չհիմնավորված վճարումներ	10%	
15. Նվազեցման կատարման տարվան հաջորդող 12-ամսյա ժամանակահատվածում չվճարված պասիվ եկամուտներ	10%	
16. Այլ եկամուտներ	21%	
17. Չեռնարկատիրական գործունեությունից հարկվող եկամուտներ, այդ թվում՝		
17.1 Ընդհանուր հարկման ռեժիմ	21%	
17.2 Առևտրի հարկով հարկման ռեժիմ	10 %, բայց ոչ պակաս 60.0 հազար դրամից	
17.3 Հաստատագրված վճարով հարկման ռեժիմ	10 %, բայց ոչ պակաս 60.0 հազար դրամից	

Եկամտային հարկի հաշվետվությունների բացառապես էլեկտրոնային եղանակով ներկայացումը և հարկի վճարման ժամկետները

Հարկային գործակալը պարտավոր է յուրաքանչյուր ամսվա համար այդ ամսվան հաջորդող ամսվա 20-ից ոչ ուշ բացառապես էլեկտրոնային եղանակով հարկային մարմին ներկայացնել՝

1) նոր աշխատողի (այդ թվում՝ վարձու աշխատողի) համար *գրանցման հայր* (բացառությամբ ԼՂՀ-ում բնակության իրավունք (կացության կարգավիճակ) չունեցող օտարերկրյա քաղաքացի և քաղաքացիություն չունեցող անձ հանդիսացող աշխատողների), որտեղ ներառվում են անհատական տեղեկություններ (անունը, ազգանունը, հայրանունը, բնակության (հաշվառման) վայրը, հանրային ծառայությունների համարանիշը (սոցիալական քարտի համարը), ինչպես նաև ԼՂՀ կառավարության կողմից սահմանված այլ տեղեկություններ:

Նոր աշխատողի համար գրանցման հայտը հարկային մարմին է ներկայացվում այդ աշխատողի գրանցման օրն ընդգրկող հաշվետու ամսվա եկամտային հարկի ամփոփ հաշվարկը հարկային մարմին ներկայացնելուց ոչ ուշ:

2) *եկամտային հարկի ամփոփ հաշվարկ*, որտեղ ներառվում են տվյալ հարկային գործակալից եկամուտներ ստացող ֆիզիկական անձանց համար հաշվարկված (քաղաքացիաիրավական պայմանագրերի շրջանակներում աշխատանքների կատարման (ծառայությունների մատուցման) դիմաց վճարված) եկամուտների, այդ եկամուտներից պահված եկամտային հարկի վերաբերյալ անհատական տեղեկություններ:

Վարձու աշխատողներին տվյալ ամսվա համար աշխատավարձ և դրան հավասարեցված այլ վճարումներ հաշվարկելիս, ինչպես նաև տվյալ ամսում այլ ֆիզիկական անձանց պասիվ եկամուտներ և (կամ) քաղաքացիաիրավական պայմանագրերի շրջանակներում աշխատանքների կատարման (ծառայությունների մատուցման) դիմաց եկամուտներ վճարելիս պահված եկամտային հարկը հարկային գործակալը պարտավոր է պետական բյուջե վճարել եկամուտների հաշվարկման (վճարման) ամսվան հաջորդող ամսվա 20-ից ոչ ուշ:

3) Հարկ վճարող ֆիզիկական անձինք պարտավոր են հարկային տարվա համար մինչև տվյալ տարվան հաջորդող տարվա ապրիլի 20-

ը ներառյալ բացառապես էլեկտրոնային եղանակով հարկային մարմին ներկայացնել *տարեկան եկամուտների հաշվարկ*: Եկամտային հարկի գումարը ենթակա է վճարման պետական բյուջե հաշվետու տարվան հաջորդող տարվա մայիսի 1-ից ոչ ուշ:

«Եկամտային հարկի մասին» ԼՂՀ օրենքի պահանջները խախտելու համար սահմանված պատասխանատվությունը

Եկամտային հարկը եկամտի վճարման աղբյուրի մոտ չպահելու (չգանձելու) կամ պակաս պահելու (գանձելու) դեպքում հարկի գումարը և հարկը սահմանված ժամկետներում պետական բյուջե չվճարելու համար «Հարկերի մասին» ԼՂՀ օրենքի 23-րդ հոդվածով սահմանված կարգով և չափով հաշվարկված տույժերը վճարելու պարտավորությունը կրում է հարկային գործակալը:

Աշխատողի աշխատանքի ընդունումը ԼՂՀ օրենսդրությամբ սահմանված կարգով գրավոր չձևակերպելու (այսինքն՝ աշխատանքի ընդունման մասին անհատական իրավական ակտի կամ գրավոր պայմանագրի բացակայության) փաստը լիազոր մարմնի կողմից ԼՂՀ կառավարության սահմանած կարգով արձանագրվելու դեպքում գործատուն (այդ թվում՝ ԼՂՀ օրենսդրությամբ սահմանված կարգով չզրանցված և արտոնագրային վճար վճարող չհանդիսացող) յուրաքանչյուր չձևակերպված վարձու աշխատողի համար վճարում է եկամտային հարկ ստորև բերված աղյուսակում նշված չափերով՝

Չձևակերպված աշխատողների թվաքանակը	Հարկի չափը՝ յուրաքանչյուր չձևակերպված աշխատողի համար
1-ից 3-ը	60.0 հազ. դրամ
4-ից 6-ը	150.0 հազ. դրամ
7-ից 9-ը	300.0 հազ. դրամ
10 և ավելի	600.0 հազ. դրամ

Հարկային մարմին ներկայացված եկամտային հարկի հաշվարկում օրենքով սահմանված կարգով հաշվարկված վնասն ավել ցույց տալու դեպքում անհատ ձեռնարկատիրոջից գանձվում է տուգանք՝ ավել ցույց տրված վնասի 21 %-ի չափով:

**ԱՎՏՈՄՈՒԲԻԼԱՅԻՆ ՃԱՆԱՊԱՐՀՆԵՐԻ ՇԻՆԱՐԱՐՈՒԹՅԱՆ,
ՆՈՐՈԳՄԱՆ ԵՎ ՊԱՀՊԱՆՄԱՆ ՀԱՄԱՐ ԿԱՏԱՐՎՈՂ
ՀԱՏԿԱՑՈՒՄՆԵՐ (ՄԱՍՀԱՆՈՒՄՆԵՐ)**

Մասհանումները ավտոմոբիլային ճանապարհների շինարարության, վերակառուցման, նորոգման և պահպանման համար օրենքով սահմանված կարգով և չափերով իրավաբանական անձանց (այդ թվում՝ իրավաբանական անձանց՝ ԼՂՀ-ում սահմանված կարգով գրանցված ներկայացուցչությունների և մասնաճյուղերի) կողմից պետական բյուջե կատարվող պարտադիր հատկացումներն են:

Մասհանումների տեսակները

Մասհանումների տեսակներն են՝

- ավտոտրանսպորտային միջոցների շահագործմամբ այլ իրավաբանական անձանց և ֆիզիկական անձանց ծառայությունների մատուցումից, հանքարդյունահանման գործունեությունից ստացված հասույթից (առանց ԱԱՀ-ի) կատարվող մասհանումները,
- գործունեության մյուս տեսակների գծով՝ թողարկված արտադրանքի, կատարված աշխատանքների, մատուցված ծառայությունների և ապրանքների իրացումից ստացված հասույթից (առանց ԱԱՀ-ի և ակցիզային հարկի) կատարվող մասհանումները:

Մասհանումների դրույքաչափերը

Մասհանումները կատարվում են հետևյալ դրույքաչափերով՝

- ավտոտրանսպորտային ծառայությունների մատուցումից ստացած հասույթի (հաշվեգրման եղանակով հաշվարկված) 2 %-ի չափով,
- հանքարդյունահանման գործունեությունից ստացած հասույթի (հաշվեգրման եղանակով հաշվարկված) 0.5 %-ի չափով,
- գործունեության մյուս տեսակների գծով ստացած հասույթի (հաշվեգրման եղանակով հաշվարկված) 0.2 %-ի չափով:

Մասհանումների հաշվարկման և վճարման կարգը

Մասհանումների տարբեր դրույքաչափերով հաշվարկվող գործունեության տեսակներ իրականացնողները մասհանումները վճարում են

գործունեության յուրաքանչյուր տեսակի համար սահմանված առանձին դրույքաչափերով: Այդ նպատակով մասհանումներ կատարողները վարում են առանձնացված հաշվառում՝ ըստ գործունեության առանձին տեսակների:

Մասհանումների հաշվարկման և վճարման հաշվետու ժամանակաշրջան է համարվում յուրաքանչյուր եռամսյակը:

Յուրաքանչյուր եռամսյակի համար մասհանումների հաշվարկը հարկային մարմին է ներկայացվում և հաշվարկված մասհանումների գումարը պետական բյուջե է վճարվում մինչև այդ եռամսյակին հաջորդող ամսվա 20-ը:

Մասհանումների կատարման արտոնությունները

Մասհանումներից ազատվում են.

1) ԼՂՀ պետական կառավարչական հիմնարկները, ԼՂՀ տեղական ինքնակառավարման մարմինները՝ բյուջետային հատկացումների և ամբողջությամբ բյուջե փոխանցվող եկամուտների մասով,

2) ոչ առևտրային կազմակերպությունները՝ անհատույց սպառման մասով,

3) թանկարժեք քարերի մշակումը, այդ թվում՝ հանձնարարության, կոմիսիայի և գործակալության պայմանագրերով,

4) ԼՂՀ կառավարության որոշումների հիման վրա՝

- ապրանքների մատակարարման և ծառայությունների մատուցման անհատույց գործարքները,

- մասնակի հատուցմամբ գործարքների իրականացման դեպքում օրենքով սահմանված կարգով որոշվող հաշվարկման օբյեկտի և ստացված հատուցման տարբերությունը:

Օրենքի պահանջները խախտելու համար սահմանված պատասխանատվությունը

Կատարվող մասհանումները սահմանված ժամկետներում բյուջե չվճարվելու դեպքում մասհանումներ կատարողից գանձվում է տույժ՝ ժամկետանց յուրաքանչյուր օրվա համար ժամանակին չմուծված գումարի 0.1 %-ի չափով, բայց ոչ ավելի, քան 365 օրվա համար:

Մասհանումները թաքցնելու կամ պակաս ցույց տալու դեպքում՝

զանձվում են «Ավտոմոբիլային ճանապարհների շինարարության, նորոգման և պահպանման համար կատարվող հատկացումների (մասհանումների) մասին» ԼՂՀ օրենքին համապատասխան հաշվարկված՝ թաքցված կամ պակաս ցույց տրված մասհանումները, ինչպես նաև տուգանք՝ այդ գումարի 20 %-ի չափով, իսկ խախտումն արձանագրվելուց հետո մեկ տարվա ընթացքում մասհանումները կրկին թաքցնելու կամ պակաս ցույց տալու դեպքում տուգանք՝ մասհանման 40 %-ի չափով:

ԳՈՒՅՔԱՀԱՐԿ, ՀՈՂԻ ՀԱՐԿ ԵՎ ԱՅԼ ՎՃԱՐՆԵՐ

Հաստատագրված վճար վճարողները «Հարկերի մասին» ԼՂՀ օրենքով սահմանված այլ հարկերը, ինչպես նաև օրենքով սահմանված այլ պարտադիր վճարները հաշվարկում ու վճարում են օրենսդրությամբ սահմանված կարգով ու ժամկետներում:

ԼՂՀ-ում գույքահարկի և հողի հարկի հաշվարկման և վճարման հետ կապված հարաբերությունները, ԼՂՀ-ում գույքահարկ և հողի հարկ վճարողների շրջանակը, հարկվող օբյեկտն ու հարկման բազան, դրույքաչափերը, հաշվարկման և վճարման կարգը, օրենքների խախտման համար պատասխանատվությունները սահմանվում են «Գույքահարկի մասին» և «Հողի հարկի մասին» ԼՂՀ օրենքներով:

ՎԱՐՉԱՐԱՐԱԿԱՆ ԱՅԼ ՀԱՐՑԵՐ

ԼՂՀ տարածքում առաքվող կամ տրամադրվող կամ տեղափոխվող ապրանքների և վաճառվող արտադրանքի, ապրանքների ու դրանց գների (հասույթի) հաշվառման (գրանցման) գրքերի վարում

ԼՂՀ տարածքում առաքվող կամ տրամադրվող կամ տեղափոխվող արտադրանքի, ապրանքների գրանցման (հաշվառման) և վաճառվող արտադրանքի, ապրանքների և դրանց գների (հասույթի) գրանցման (հաշվառման) կարգերը հաստատված են ԼՂՀ կառավարության 26.12.2000 թ. N 255 որոշմամբ:

Կազմակերպությունները հաշվապահական հաշվառման, իսկ անհատ ձեռնարկատերերը եկամուտների և դրանց հետ կապված ծախսե-

րի հաշվառման գործող կարգին զուգընթաց, շարժական (նյութական) գույք հանդիսացող արտադրանքի (ապրանքների) առաքման կամ տեղափոխման դեպքում պարտավոր են վարել առաքումների գրանցման գիրք:

Առաքումների գրանցման գրքում չի գրանցվում պատրաստի արտադրանք կամ ապրանք չհանդիսացող գույքի ներտնտեսական (նույն հասցեի տարածքում) տեղափոխումը, խողովակաշարերով, էլեկտրահաղորդման, էլեկտրակապի գծերով արտադրանքի առաքումը, տարածման նպատակով մամուլի տեղափոխումը, վերանորոգման և համանման այլ ծառայությունների մատուցման ու աշխատանքների կատարման ժամանակ պահեստամասերի կամ երաշխիքային ժամկետ ունեցող տեխնիկայի տեղափոխումը, տնտեսավարող սուբյեկտների հիմնական միջոցների, արագամաշ առարկաների, բլանկների ու ձևաթղթերի տեղափոխումը:

Առաքումների գրանցման գրքի էջերը համարակալվում, կարվում և կազմվում են, որից հետո տնտեսավարող սուբյեկտն իր հաշվառման վայրի հարկային մարմին է ներկայացնում գրավոր հայտ առաքումների գրանցման գրքի կնքման ու համարակալման համար: Հարկային մարմինը հայտն ստանալուց հետո ոչ ուշ, քան 2 աշխատանքային օրվա ընթացքում կնքում և համարակալում է առաքումների գրանցման գիրքը:

Տրանսպորտային միջոցներով առևտրական գործունեություն իրականացնող տնտեսավարող սուբյեկտների առաքումների գրանցման գրքերը կնքվում և համարակալվում են սահմանված կարգով՝ հարկային մարմնի ղեկավարի կամ նրա կողմից լիազորած այլ պաշտոնատար անձի գրավոր թույլտվության հիման վրա:

Կնքված և համարակալված գրանցման գրքերը խիստ հաշվառման փաստաթղթեր են և հերթական համարներով հաշվառվում են հարկային մարմնում:

Առաքումների և (կամ) տեղափոխումների իրականացման յուրաքանչյուր հասցեի (կետի, այդ թվում՝ նույն հասցեում, դրա մասին նշում կատարելով առաքումների գրանցման գրքի կազմի վրա) համար (պատրաստի արտադրանքի կամ ապրանքի պահեստ, այլ մատակարարման վայրեր) վարվում է առանձին առաքումների գրանցման գիրք:

Էլեկտրոնային գրանցում (հաշվառում) կարող են իրականացնել (Էլեկտրոնային գիրք կարող են վարել) առաքվող կամ տեղափոխվող ապրանքների, արտադրանքի գրանցման (հաշվառման) գրքեր վարելու պարտավորություն ունեցող այն հարկ վճարողները, որոնք հաշվառումը վարում են ԼՂՀ ֆինանսների և էկոնոմիկայի նախարարության կողմից սահմանած չափանիշներին բավարարող համակարգչային ծրագրերով և հաստատված կարգին համապատասխան հաշվառել են Էլեկտրոնային գիրք (գրքեր): Էլեկտրոնային գիրք հաշվառելու լիազորություն ունեցող անձինք և նրանց Էլեկտրոնային թվային ստորագրությունները գրանցվում և հաշվառվում են հարկային մարմնում:

Վաճառվող արտադրանքի, ապրանքների և դրանց գների (հասույթի) գրանցման (հաշվառման) կարգի դրույթները տարածվում են ԼՂՀ տարածքում ձեռնարկատիրական գործունեություն իրականացնող և ձեռնարկատիրական գործունեության առարկաներ (արտադրանք, ապրանք) վաճառող (այդ թվում՝ կոմիսիոն հիմունքներով) կազմակերպությունների, այդ թվում՝ օտարերկրյա կազմակերպությունների կողմից ԼՂՀ-ում ստեղծված՝ առանձնացված ստորաբաժանումների, անհատ ձեռնարկատերերի վրա, որոնք ունեն ապրանքների անմիջական ցուցադրության և վաճառքի վայր:

Կարգի դրույթները չեն տարածվում ոչ նյութական ակտիվների, անշարժ գույքի, ԼՂՀ օրենսդրությամբ սահմանված կարգով հրատարակվող թերթերի վաճառքի վրա:

Առևտրի (անմիջական վաճառքի) իրականացման յուրաքանչյուր վայրի (կետի, այդ թվում՝ նույն հասցեում, դրա մասին նշում կատարելով գրանցման գրքի կազմի վրա) համար վարվում է առանձին գրանցման գիրք:

Էլեկտրոնային գրանցում (հաշվառում) կարող են իրականացնել (Էլեկտրոնային գիրք կարող են վարել) վաճառվող արտադրանքի, ապրանքների և դրանց գների (հասույթի) գրանցման (հաշվառման) գրքեր վարելու պարտավորություն ունեցող այն հարկ վճարողները, որոնք հաշվառումը վարում են ԼՂՀ ֆինանսների և էկոնոմիկայի նախարարության կողմից սահմանած չափանիշներին բավարարող համակարգչային ծրագրերով և հաստատված կարգին համապատասխան հաշվառել են Էլեկտրոնային գիրք (գրքեր): Էլեկտրոնային գիրք

հաշվառելու լիազորություն ունեցող անձինք և նրանց էլեկտրոնային թվային ստորագրությունները գրանցվում և հաշվառվում են հարկային մարմնում:

ՀՍԿԻԶ-ԳՐԱՄԱՐԿՎԱՅԻՆ ՄԵՔԵՆԱՆԵՐԻ ԿԻՐԱՌՈՒՄ

ԼՂՀ տարածքում հսկիչ-դրամարկղային մեքենաների ներդրման, օգտագործման, գրանցման և հաշվառման հետ կապված հարցերը, ինչպես նաև դրանց նկատմամբ հսկողությունը և օրենքի խախտման համար պատասխանատվությունը կարգավորվում է «Հսկիչ-դրամարկղային մեքենաների կիրառման մասին» ԼՂՀ օրենքով:

Հսկիչ-դրամարկղային մեքենաների կիրառումը

ԼՂՀ տարածքում անհատ ձեռնարկատերերի և կազմակերպությունների կողմից առևտրի օբյեկտների, առևտրի իրականացման վայրերում վաճառատեղերի միջոցով մանրածախ վաճառք իրականացնելիս կամ բնակչությանը ծառայություններ մատուցելիս կանխիկ դրամով իրականացվող դրամական հաշվարկների բոլոր դեպքերում (ներառյալ՝ կանխավճարները) հսկիչ-դրամարկղային մեքենաների կիրառումը պարտադիր է: «Հսկիչ-դրամարկղային մեքենաների կիրառման մասին» ԼՂՀ օրենքի 4-րդ հոդվածի 2-րդ մասով սահմանված են գործունեության այն տեսակները, որոնց դեպքում, գործունեության առանձնահատկություններից ելնելով, հսկիչ-դրամարկղային մեքենաների կիրառումը պարտադիր չէ: Այսպես, օրինակ, ՀԳՄ-ների կիրառումը պարտադիր չէ ուսումնական դասընթացների անցկացման ընթացքում հանրակրթական և դրանց հավասարեցված այլ ուսումնական հաստատությունների աշակերտներին և աշխատակիցներին սննդով ապահովման, կրպակներից ոչ ոգելից խմիչքների լցնովի վաճառքի, գյուղական բնակավայրերի մանկաբարձական-բուժական կետերում գտնվող դեղատներից դեղանյութերի վաճառքի և մի շարք այլ գործունեությունների համար:

Պատասխանատվությունը հսկիչ-դրամարկղային մեքենաների կիրառման և հսկիչ-դրամարկղային մեքենաների միջոցով դրամական հաշվարկների կանոնները չպահպանելու համար

Խախտման տեսակ	Տուգանք (հազ. դրամ)	Պորժուներության կասեցում կամ լրացուցիչ տուգանք
Հարկային մարմնում չգրանցված (չֆիսկալավորված) ՀՂՄ-ի կիրառում կամ ՀՂՄ-ի բացակայությունը գործունեության իրականացման վայրում (առաջին անգամ)	150.0	-
Հարկային մարմնում չգրանցված (չֆիսկալավորված) ՀՂՄ-ի կիրառում կամ ՀՂՄ-ի բացակայությունը գործունեության իրականացման վայրում (մեկ տարվա ընթացքում կրկնելու դեպքում)	300.0	Այդ մասով գործունեության կասեցում՝ մինչև ՀՂՄ տեղադրելը
Շահագործման կանոնների խախտմամբ՝ հարկային մարմնում գրանցված (ֆիսկալավորված) ՀՂՄ-ի կիրառում (առաջին անգամ)	75.0	-
Շահագործման կանոնների խախտմամբ՝ հարկային մարմնում գրանցված (ֆիսկալավորված) ՀՂՄ-ի կիրառում (մեկ տարվա ընթացքում երկրորդ անգամ)	150.0	Կասեցվում է 5 օրով կամ տուգանվում լրացուցիչ հարյուր հիսուն հազար դրամի չափով
Շահագործման կանոնների խախտմամբ՝ հարկային մարմնում գրանցված (ֆիսկալավորված) ՀՂՄ-ի կիրառում (մեկ տարվա ընթացքում երրորդ անգամ)	300.0	Կասեցվում է 10 օրով կամ տուգանվում լրացուցիչ երեք հարյուր հազար դրամի չափով
Շահագործման կանոնների խախտմամբ՝ հարկային մարմնում գրանցված (ֆիսկալավորված) ՀՂՄ-ի կիրառում (մեկ տարվա ընթացքում չորրորդ և ավելի անգամ)	300.0	Կասեցվում է 10 օրով

Լրացուցիչ տուգանք կիրառվում է, եթե հարկ վճարողը երկու աշխատանքային օրվա ընթացքում ներկայացնում է լրացուցիչ տուգանքի վճարման վերաբերյալ գրավոր հայտարարություն:

Հիվանդանոցների և ամբուլատոր բուժօգնականների կողմից բուժ-

օգնության և բուժապասարկման ծառայությունների մատուցումը ենթակա չէ կասեցման:

Վերոնշյալ տուգանքները հարկային մարմնի կողմից խախտման փաստն արձանագրելուց, իսկ լրացուցիչ տուգանքը՝ տուգանքի նշանակման օրվանից հետո երկամսյա ժամկետում չմուծելու դեպքում՝ կրկնապատկվում են:

ԳՐԱՄԱՐԿՎԱՅԻՆ ԳՈՐԾԱՆՈՒԹՅՈՒՆՆԵՐ

ԼՂՀ տարածքում ՀՀ արժույթով և արտարժույթով դրամարկղային գործառնությունների իրականացման, ինչպես նաև կանխիկ դրամի պահպանման հետ կապված հարաբերությունները կարգավորվում են «Դրամարկղային գործառնությունների մասին» ԼՂՀ օրենքով:

Օրենքի գործողության ոլորտը

Օրենքը տարածվում է ԼՂՀ տարածքում գործող իրավաբանական անձանց, պետական և այլ հիմնարկների, դրանց ԼՂՀ տարածքում գործող առանձնացված ստորաբաժանումների (մասնաճյուղերի, ներկայացուցչությունների), օտարերկրյա կազմակերպությունների՝ ԼՂՀ տարածքում գործող առանձնացված ստորաբաժանումների (մասնաճյուղերի, ներկայացուցչությունների) վրա: Օրենքը տարածվում է նաև այն անհատ ձեռնարկատերերի վրա՝

1) որոնք օրացուցային տարվա որևէ պահին «ներմուծում ազատ շրջանառության համար» մաքսային ռեժիմով ԼՂՀ են ներմուծել ապրանքներ, կամ՝

2) որոնք իրականացնում են լիցենզավորման ենթակա գործունեություն կամ ունեն լիցենզիա, որի համար պետական տուրքի տարեկան գումարը սահմանված է 50.0 հազար դրամ կամ ավելի, կամ՝

3) որոնց օրացուցային տարվա որևէ պահին ապրանքների մատակարարումից, ծառայությունների մատուցումից (բացառությամբ գույքի վարձակալության, անհատույց օգտագործման, ոչ նյութական ակտիվների օտարման և տոկոսների ստացման) հաշվարկված եկամուտների գումարը գերազանցում է 36 մլն դրամը:

Օրենքի գործողությունը սկսվում է տարածվել անհատ ձեռնարկա-

տերերի վրա վերը նշված փաստերից որևէ մեկը տեղի ունենալու ամսվան հաջորդող ամսվա 1-ից մինչև անհատ ձեռնարկատիրոջ գործունեության դադարեցումը:

Օրենքը չի տարածվում բանկերի և դրանց առանձնացված ստորաբաժանումների (մասնաճյուղերի, ներկայացուցչությունների), այդ թվում՝ օտարերկրյա բանկերի առանձնացված ստորաբաժանումների (մասնաճյուղերի, ներկայացուցչությունների), արտարժույթի առք ու վաճառքի գործառնություններ իրականացնող անձանց, վարկային կազմակերպությունների վրա:

Դրամարկղային գործառնությունների իրականացումը

Դրամարկղային գործառնություններն իրականացվում են դրամարկղի և (կամ) հաշվետու անձանց միջոցով:

Դրամարկղային գործառնությունների իրականացման, այդ թվում՝ դրանց փաստաթղթավորման և դրամարկղային գրքի վարման կարգը սահմանվում է ԼԴՀ կառավարության 29.11.2004թ. N 477 որոշմամբ:

Կանխիկ դրամով վճարումների նկատմամբ սահմանափակումները

Կանխիկ դրամով վճարումների նկատմամբ սահմանվում են հետևյալ սահմանափակումները՝

ա) ապրանքների, ծառայությունների, աշխատանքների *միանվագ* գնման և (կամ) վճարումների ընդունման առավելագույն չափը՝ 300.0 հազար դրամ,

բ) *մեկ ամսվա ընթացքում* ապրանքների, ծառայությունների, աշխատանքների գնումների դիմաց կանխիկ դրամով վճարման և (կամ) վճարումների ընդունման առավելագույն չափը՝ 3 մլն դրամ:

Կանխիկ դրամով վճարումների նկատմամբ սահմանափակումները չեն տարածվում աշխատավարձի, դրան հավասարեցված վճարումների, նպաստների, կրթաթոշակների, կենսաթոշակների և այլ համանման վճարումների, գործուղման և դաշտային բավարարման նպատակով կատարվող վճարումների, ներկայացուցչական ծախսերի դիմաց կատարվող վճարումների, ֆիզիկական անձանց հետ կնքված գրավոր քաղաքացիաիրավական պայմանագրերի համաձայն կազմակերպությանը մատուցված ծառայությունների և կազմակերպության համար կա-

տարված աշխատանքների դիմաց կատարվող վճարումների, ֆիզիկական անձանց կատարվող՝ նրանց ձեռնարկատիրական գործունեության իրականացման հետ կապ չունեցող վճարումների, գյուղատնտեսական մթերքներ մթերող կազմակերպությունների կողմից գյուղացիական տնտեսություն վարող քաղաքացիների հետ կնքված գրավոր պայմանագրերի հիման վրա նրանցից գնված գյուղատնտեսական մթերքների դիմաց վճարումների, կառավարության կողմից սահմանված չափաքանակներով պետական հատուկ նշանակության ապրանքների, ծառայությունների և աշխատանքների դիմաց վճարումների, ինչպես նաև կառավարության սահմանած դեպքերում անհետաձգելի վճարումներ կատարելու անհրաժեշտության առկայության դեպքում վճարումների կատարման և (կամ) ընդունման վրա:

Դրամարկղային գործառնությունների մասին օրենսդրության պահանջների խախտման համար պատասխանատվությունը

Կանխիկ դրամով վճարումների կատարման և (կամ) ընդունման նկատմամբ «Դրամարկղային գործառնությունների մասին» ԼՂՀ օրենքի 6-րդ հոդվածով սահմանված սահմանափակումները չպահպանելու դեպքում գանձվում է տուգանք՝ կանխիկ դրամով վճարումների կատարման և (կամ) ընդունման թույլատրված չափը գերազանցող գումարների (խախտման գումար) հանրագումարի 5 %-ի չափով, բայց ոչ պակաս, քան սահմանված նվազագույն աշխատավարձի հիսնապատիկը և ոչ ավելի, քան սահմանված նվազագույն աշխատավարձի հարապատիկը: Սահմանափակումների չպահպանելն արձանագրելուց հետո՝ մեկ տարվա ընթացքում, դրանք կրկին չպահպանելու դեպքում գանձվում է տուգանք՝ խախտման գումարների հանրագումարի 10 %-ի չափով, բայց ոչ պակաս, քան սահմանված նվազագույն աշխատավարձի հարյուրապատիկը և ոչ ավելի, քան սահմանված նվազագույն աշխատավարձի երկուհարապատիկը:

Դրամարկղային գործառնությունները դրամարկղային գրքում չգրանցելու դեպքում գանձվում է տուգանք՝ սահմանված նվազագույն աշխատավարձի հիսնապատիկի չափով, իսկ դրամարկղային գործառնությունները դրամարկղային գրքում չգրանցելն արձանագրելուց հետո՝ մեկ տարվա ընթացքում, դրանք կրկին չգրանցելու դեպքում՝ տու-

զանք՝ սահմանված նվազագույն աշխատավարձի հարյուրապատիկի չափով:

Գրամարկդային գրքի վարման օրենսդրությամբ սահմանված կանոնները խախտելու դեպքում գանձվում է տուգանք՝ սահմանված նվազագույն աշխատավարձի քսանապատիկի չափով, իսկ դրամարկդային գրքի վարման օրենսդրությամբ սահմանված կանոնների խախտումն արձանագրելուց հետո՝ մեկ տարվա ընթացքում, դրանք կրկին խախտելու դեպքում տուգանք՝ սահմանված նվազագույն աշխատավարձի հիսնապատիկի չափով:

ԱՊՐԱՆՔՆԵՐԻ ԳՐՈՇՄՎՈՐՈՒՄ

ԼՂՀ տարածքում արտադրված կամ ԼՂՀ տարածք ներմուծված՝ շշայցված, փաթեթավորված կամ ցանկացած այլ ձևով տարայավորված՝ «Առևտրի և ծառայությունների մասին» ԼՂՀ օրենքի 9.2-րդ հոդվածում ներկայացված աղյուսակում ներառված ապրանքների վրա օտարման ցանկացած փուլում դրոշմապիտակի առկայությունը պարտադիր է, եթե օրենքով սահմանված՝ համապատասխան ծածկագրով ապրանքային դիրքում ընդգրկվող ապրանքներն արտադրողի կամ այլ փաթեթավորողի կողմից փաթեթավորված (չափածրարված), շշայցված կամ այլ կերպ տարայավորված են նույն փաթեթավորմամբ ու ապրանքային տեսքով, առանց քաշը (ծավալը) փոփոխելու, մանրածախ առևտրի ոլորտում իրացման համար: Գրոշմապիտակներով դրոշմավորման ենթակա ապրանքներ են, օրինակ, կաթնեղենը, պահածոները, հյութերը, օժանելիքը և այլն:

ԼՂՀ տարածքում պարտադիր դրոշմավորման ենթակա ապրանքներ արտադրող անձինք դրոշմապիտակները ձեռք են բերում իրենց հաշվառման վայրի հարկային մարմնից՝ մինչև այդ ապրանքների օտարումը: Գրոշմապիտակները տրամադրվում են միայն դրոշմապիտակների ձեռքբերման ամբողջ արժեքը նախապես պետական բյուջե վճարելու դեպքում: ԼՂՀ կառավարության 28.12.2013թ. N 982-Ն որոշմամբ՝ ԼՂՀ տարածքում արտադրվող պարտադիր դրոշմավորման ենթակա ապրանքների դրոշմապիտակի հազար հատի արժեքը սահմանվել է 3 528 ՀՀ դրամ:

Օգտագործված դրոշմապիտակների ձեռքբերման համար արտադրողի կողմից վճարված գումարը (բացառությամբ այն դրոշմապիտակների ձեռքբերման համար վճարված գումարների, որոնք չեն օգտագործվել և չեն վերադարձվել) սահմանված ձևով դիմումի հիման վրա հաշվանցվում է հարկային պարտավորությունների դիմաց:

ՀԱՐԿԱՅԻՆ ՕՐԵՆՍՊՐՈՒԹՅՈՒՆԸ ԽԱՆՏԵԼՈՒ ՀԱՄԱՐ ՍԱՀՄԱՆՎԱԾ ՊԱՏԱՍԽԱՆԱՏՎՈՒԹՅԱՆ ԱՅԼ ՄԻՋՈՑՆԵՐ

Հարկային օրենսդրության խախտումն առաջացնում է պատասխանատվություն՝ ԼՂՀ օրենքներով սահմանված կարգով:

«Հարկերի մասին» ԼՂՀ օրենքի 23-րդ հոդվածի համաձայն՝ հարկի վճարումը սահմանված ժամկետներից մինչև 90 օր (ներառյալ) ուշացնելու դեպքում ժամկետանց յուրաքանչյուր օրվա համար հարկ վճարողը (հարկային օրենսդրությամբ սահմանված դեպքերում՝ հարկային գործակալը) վճարում է տույժ՝ ժամանակին չմուծված հարկի գումարի 0.075 %-ի չափով:

Հարկի վճարումը սահմանված ժամկետներից ուշացնելու 91-րդ օրվանից սկսած ժամկետանց յուրաքանչյուր օրվա համար հարկ վճարողը (հարկային օրենսդրությամբ սահմանված դեպքերում՝ հարկային գործակալը) վճարում է տույժ՝ ժամանակին չմուծված հարկի գումարի 0.1 %-ի չափով:

Վերոհիշյալ տույժը կիրառվում է ժամանակին չմուծված հարկի գումարների (այդ թվում նաև՝ հարկային օրենսդրությամբ սահմանված դեպքերում՝ հարկային գործակալի կողմից չվճարված), հարկերի կանխավճարային մուծումների գումարների, ստուգման արդյունքներով հայտնաբերված (պակաս ցույց տրված) հարկվող օբյեկտի գծով հարկի գումարի նկատմամբ՝ դրանց վճարման ժամկետից անցած ամբողջ ժամանակաշրջանի համար, բայց ոչ ավելի, քան 365 օրվա համար:

«Հարկերի մասին» ԼՂՀ օրենքի 24-րդ հոդվածի համաձայն՝ հարկ վճարողների (հարկային գործակալների) կողմից հարկային մարմիններ կայացվող հաշվարկը (հայտարարագիրը, հաշվետվությունը) հարկային օրենսդրությամբ սահմանված ժամկետից երկու ամսից ավելի ուշ ներկայացվելու կամ չներկայացվելու դեպքում այդ ժամկետին հա-

ջորդող յուրաքանչյուր տասնհինգ լրացված օրվա համար հարկ վճարողից (հարկային գործակալից) գանձվում է տուգանք (նաև ստուգման ակտով)՝ հաշվարկված հարկի ընդհանուր գումարի 5 %-ի չափով: Նշված տուգանքների հանրագումարը չպետք է գերազանցի այդ հարկի հաշվարկված ընդհանուր գումարը, իսկ տասնհինգ օրվա ժամկետը հաշվարկելիս ոչ աշխատանքային օրերը հաշվի են առնվում միայն առաջին տուգանքի հաշվարկման ժամանակ:

Տուգանքի հաշվարկումը դադարում է տվյալ հարկի հաշվարկը (հայտարարագիրը) հարկային մարմին ներկայացնելու պահից կամ տվյալ հարկատեսակի գծով պետական բյուջեի հետ փոխհարաբերությունների ճշտության ստուգումը ներառող ստուգման ավարտից:

«Հարկերի մասին» ԼՂՀ օրենքի 25-րդ հոդվածի համաձայն՝ հաշվապահական հաշվառում (հարկային օրենսդրությամբ և ԼՂՀ կառավարության որոշումներով նախատեսված դեպքերում՝ նաև այլ հաշվառում և (կամ) գրանցումներ) չվարելու համար վճարողից (հարկային գործակալից) գանձվում է տուգանք՝ այդ խախտումների հետևանքով պակաս հաշվարկված հարկերի գումարի 10 %-ի չափով:

«Հարկերի մասին» ԼՂՀ օրենքի 25.1-ին հոդվածի համաձայն՝ օրենքով սահմանված կարգով իրականացված ստուգումների արդյունքներով ԼՂՀ կառավարության սահմանած կարգով պատրաստի արտադրանքի, ապրանքների մատակարարման կամ պահպանման վայրերում պատրաստի արտադրանքի, ապրանքների մնացորդի պակասորդի հայտնաբերվելու դեպքում գանձվում է տուգանք՝ պակասորդի գնի (արժեքի) 10 %-ի չափով: Նշված խախտումն արձանագրելուց հետո մեկ տարվա ընթացքում խախտումը կրկնվելու դեպքում գանձվում է տուգանք՝ պակասորդի գնի (արժեքի) 15 %-ի չափով:

«Հարկերի մասին» ԼՂՀ օրենքի 26-րդ հոդվածի համաձայն՝ օրենքով սահմանված լիցենզավորման ենթակա գործունեությունն առանց լիցենզիայի իրականացնելու կամ առանց թույլտվության կամ առանց լիցենզիայի ընդերքը կամ բնական պաշարներն օգտագործելու դեպքերում կազմակերպություններից և անհատ ձեռնարկատերերից գանձվում է տուգանք՝ լիցենզիայի կամ թույլտվության տրման համար օրենքով սահմանված պետական փուրքի դրույքաչափի հնգապատիկի չափով, բայց ոչ պակաս 500.0 հազար դրամից: Խախտումն արձանագրե-

լուց հետո մեկ տարվա ընթացքում խախտումը (անկախ լիցենզավորման կամ թույլտվության ենթակա գործունեության տեսակից) կրկնելու դեպքում կազմակերպություններից և անհատ ձեռնարկատերերից գանձվում է տուգանք՝ լիցենզավորման կամ թույլտվության ենթակա գործունեության իրականացման լիցենզիայի կամ թույլտվության տրման համար օրենքով սահմանված *պետրական տուրքի դրույքաչափի փաստապարհի չափով, բայց ոչ պակաս 1 մլն դրամից:*

Նշված խախտումներ հայտնաբերելու դեպքերում խախտումներ կատարած անձանցից գանձվում է նաև լիցենզավորման համար օրենքով սահմանված պետական տուրքի գումարի չափով վնասի հատուցում:

«Հարկերի մասին» ԼՂՀ օրենքի 27-րդ հոդվածի համաձայն՝ հարկվող օբյեկտը թաքցնելու կամ այն պակաս ցույց տալու դեպքում հարկ վճարողներից (հարկային գործակալներից) օրենքով սահմանված կարգով գանձվում է թաքցված կամ պակաս ցույց տրված հարկվող օբյեկտի համար նախատեսված (հարկային մարմնի կողմից հաշվարկված) հարկի գումարը, ինչպես նաև տուգանք՝ այդ գումարի 20 %-ի չափով, իսկ հարկային մարմնի կողմից խախտումն արձանագրվելուց հետո մեկ տարվա ընթացքում նույն հարկատեսակի գծով հարկվող օբյեկտը կրկին թաքցնելու կամ պակաս ցույց տալու դեպքում՝ տուգանք՝ այդ գումարի 40 %-ի չափով, եթե հարկային օրենսդրությամբ այլ բան չի սահմանված:

Հարկվող օբյեկտը թաքցնելը կամ պակաս ցույց տալը հարկային մարմնին ներկայացված տվյալ հարկատեսակի հաշվարկներում (հայտարարագրերում) հարկվող օբյեկտը ցույց չտալը, պակաս ցույց տալը, կամ էլ գործունեություն չիրականացնելու (հարկվող օբյեկտներ չառաջանալու) մասին կեղծ տվյալներ ներկայացնելն է:

«Հարկերի մասին» ԼՂՀ օրենքի 28-րդ հոդվածի համաձայն՝ ձեռնարկատիրական գործունեության առարկաները չգրանցելու, այսինքն՝ առաքվող, տրամադրվող, տեղափոխվող կամ վաճառվող արտադրանքը, ապրանքները, ինչպես նաև կատարվող աշխատանքները և մատուցվող ծառայությունները ԼՂՀ կառավարության կողմից սահմանված կարգով չգրանցելու դեպքում հարկ վճարողից գանձվում է տուգանք՝ ձեռնարկատիրական գործունեության չգրանցված առար-

կաների վաճառքի (իրացման) գներով արտահայտված (հաշվարկված) ամբողջ արժեքի 10 %-ի չափով: Հարկ վճարողը տուգանքը մուծում է հարկային մարմնի կողմից խախտման փաստն արձանագրվելուց հետո՝ երեսնօրյա ժամկետում: Նշված ժամկետում տուգանքը չմուծելու դեպքում այն կրկնապատկվում է:

Հարկային մարմնի կողմից խախտումն արձանագրվելուց հետո մեկ տարվա ընթացքում, ձեռնարկատիրական գործունեության առարկաները չգրանցելու կրկնական փաստ արձանագրելու դեպքում գանձվում է՝ տուգանք՝ ձեռնարկատիրական գործունեության չգրանցված առարկաների վաճառքի (իրացման) գներով արտահայտված (հաշվարկված) ամբողջ արժեքի 15 %-ի չափով: Հարկ վճարողը տուգանքը մուծում է հարկային մարմնի կողմից կրկնական խախտման փաստն արձանագրվելուց հետո՝ երեսնօրյա ժամկետում: Նշված ժամկետում տուգանքը չմուծելու դեպքում այն կրկնապատկվում է:

Ձեռնարկատիրական գործունեության առարկաները ԼՂՀ կառավարության կողմից սահմանված կարգով գրանցված գներից թանկ վաճառելիս (իրացնելիս) հարկ վճարողից գանձվում է տուգանք՝ տարբերության գումարի 10 %-ի չափով, այդ թվում՝ չվաճառված (չիրացված) ձեռնարկատիրական գործունեության առարկաների մնացորդների համար: Հարկ վճարողը տուգանքը մուծում է հարկային մարմնի կողմից խախտման փաստն արձանագրվելուց հետո՝ երեսնօրյա ժամկետում: Նշված ժամկետում տուգանքը չմուծելու դեպքում այն կրկնապատկվում է:

Հարկային մարմնի կողմից խախտումն արձանագրվելուց հետո մեկ տարվա ընթացքում, ձեռնարկատիրական գործունեության առարկաները ԼՂՀ կառավարության կողմից սահմանված կարգով գրանցված գներից թանկ վաճառելու (իրացնելու) կրկնական փաստ արձանագրելու դեպքում գանձվում է տուգանք՝ տարբերության գումարի 15 %-ի չափով, այդ թվում՝ չվաճառված (չիրացված) ձեռնարկատիրական գործունեության առարկաների մնացորդների համար: Հարկ վճարողը տուգանքը մուծում է հարկային մարմնի կողմից կրկնական խախտման փաստն արձանագրվելուց հետո՝ երեսնօրյա ժամկետում: Նշված ժամկետում տուգանքը չմուծելու դեպքում այն կրկնապատկվում է:

«Հարկերի մասին» ԼՂՀ օրենքի 28-րդ հոդվածով նախատեսված

տուգանքները չեն կիրառվում, եթե խախտումները կատարվել են այն հաշվետու ժամանակաշրջանում, որի համար սահմանված կարգով հարկ վճարողի կողմից ներկայացված են հաշվապահական հաշվետվություններ (հայտարարագրեր) կամ իրացման շրջանառությունից (համախառն եկամտից) բխող հարկային պարտավորություններն արտացոլող՝ հարկային օրենսդրությամբ կամ հարկային հարաբերությունները կարգավորող մյուս իրավական ակտերով նախատեսված այլ փաստաթղթեր:

«Հարկերի մասին» ԼՂՀ օրենքի 28²-րդ հոդվածի համաձայն՝ ԼՂՀ օրենսդրությամբ նախատեսված դրոշմավորման ենթակա չդրոշմավորված, ինչպես նաև ապօրինի ձեռք բերված դրոշմանիշներով (դրոշմապիտակներով) դրոշմավորված ապրանքների և «Հարկերի մասին» ԼՂՀ օրենքի 26-րդ հոդվածով նախատեսված ապօրինի գործունեության ընթացքում ԼՂՀ կառավարության կողմից սահմանված ցանկում ընդգրկված ապրանքների իրացման դեպքերում այդ ապրանքները ենթակա են այդ ապրանքային տեսքով շրջանառությունից դուրսբերման հարկային մարմինների կողմից՝ ԼՂՀ կառավարության սահմանած կարգով:

«Հարկերի մասին» ԼՂՀ օրենքի 28⁴-րդ հոդվածի համաձայն՝ ԼՂՀ տարածքում ապրանքների մատակարարման, ծառայությունների մատուցման, աշխատանքների կատարման գործարքների համար երկկողմանի հաշվարկային փաստաթուղթ ԼՂՀ օրենսդրությամբ սահմանված կարգով դուրս չգրելու դեպքում (այդ թվում՝ գնորդի պահանջով) ապրանքներ մատակարարող, ծառայություններ մատուցող, աշխատանքներ կատարող կազմակերպություններից և անհատ ձեռնարկատերերից, ինչպես նաև այդպիսի ապրանքներ, ծառայություններ և աշխատանքներ ձեռք բերած կազմակերպություններից և անհատ ձեռնարկատերերից (բացառությամբ օրենսդրությամբ սահմանված կարգով իրականացվող վարձու աշխատանքի դեպքերի) գանձվում է տուգանք՝ այդ գործարքների լրիվ արժեքով հատուցման գումարի 20 %-ի չափով: Հոդվածով սահմանված են տուգանքի չկիրառման դեպքերը:

«Հարկերի մասին» ԼՂՀ օրենքի 28⁵-րդ հոդվածի համաձայն՝ գործունեության իրականացման յուրաքանչյուր հասցեում հարկային մարմնի սահմանած ձևի հայտարարություն չփակցնելու դեպքում

առևտրային կազմակերպություններից և անհատ ձեռնարկատերերից գանձվում է 50.0 հազար դրամի չափով տուգանք՝ յուրաքանչյուր հասցեում չփակցրած տեղեկության մասով, իսկ խախտումն արձանագրելուն հաջորդող մեկ տարվա ընթացքում նշված տեղեկությունները չփակցնելու կրկնական փաստ արձանագրվելու դեպքում գանձվում է տուգանք՝ յուրաքանչյուր չփակցրած տեղեկության մասով 100.0 հազար դրամի չափով:

Անհատ ձեռնարկատերերը «Հարկերի մասին» ԼՂՀ օրենքի 20¹-ին հոդվածով սահմանված հայտարարագրի մեջ ոչ ճիշտ տեղեկություններ ներառելու դեպքում վճարում են տուգանք՝ 50.0 հազար դրամի չափով:

«Հարկերի մասին» ԼՂՀ օրենքի 32-րդ հոդվածի համաձայն՝ անապրանք փաստաթղթեր դուրս գրած և ձեռք բերած անձանց նկատմամբ կիրառվում է տուգանք՝ գործարքի (մատակարարված ապրանքի, մատուցված ծառայության կամ կատարված աշխատանքի) փաստացի կատարումը հավաստող՝ կազմված փաստաթղթում նշված էական պայմանների (այդ թվում՝ դրանցից որևէ մեկի) 20 և ավելի տոկոս շեղման դեպքում՝ շեղման (դրամական արտահայտությամբ) 100 %-ի չափով, բայց ոչ պակաս 1 մլն դրամից:

Նշված խախտումը մեկ տարվա ընթացքում կրկնվելու դեպքում կիրառվում է տուգանք՝ շեղման կրկնապատիկի չափով, բայց ոչ պակաս 1 մլն դրամից:

Հարկային օրենսդրության կիրառման առումով *սնուպրանք փաստաթուղթը՝* հարկերի հաշվարկման և (կամ) վճարման համար հիմք հանդիսացած (հարկային հաշվառման մեջ ներառված)՝ ԼՂՀ օրենսդրությամբ սահմանված պահանջներին ձևականորեն համապատասխանող վճարահաշվարկային այն փաստաթուղթն է, որում նշված գործարքը (ապրանքի մատակարարում, ծառայության մատուցում կամ աշխատանքի կատարում) այդ փաստաթուղթը կազմած կողմերի միջև փաստացի չի կատարվել կամ կատարվել է այդ փաստաթղթում նշված պայմաններից էականորեն տարբերվող պայմաններով: Էականորեն տարբերվող պայմաններ են համարվում կատարված գործարքի (մատակարարված ապրանքի, մատուցված ծառայության կամ կատարված աշխատանքի) տեսականին, գինը, քանակը, գումարը:

ՀԱՐԿ ՎՃԱՐՈՂՆԵՐԻ ԻՐԱՎՈՒՆՔՆԵՐԻ ԵՎ ՊԱՐՏԱԿԱՆՈՒԹՅՈՒՆՆԵՐԻ ՄԱՍԻՆ

Հարկ վճարողն իրավունք ունի՝

- ա. ծանոթանալ իր գործունեության ստուգումների ակտերին,
- բ. հարկային մարմիններ ներկայացնել բացատրություններ հարկերի հաշվարկման ու վճարման և ստուգումների արդյունքների վերաբերյալ,
- գ. օրենքով սահմանված կարգով գանգատարկել հարկային մարմինների պաշտոնատար անձանց գործողությունները,
- դ. առանձին հարկատեսակի մասին օրենքով նախատեսված դեպքերում սահմանված կարգով դիմել հարկային արտոնություն ստանալու համար,
- ե. սահմանված կարգով դիմել հարկային մարմին՝ պարզաբանում ստանալու համար:

Հարկ վճարողը պարտավոր է՝

- ա. ԼՂՀ կառավարության կողմից սահմանված կարգով իրականացնել հաշվապահական հաշվառում (հարկային օրենսդրությամբ կամ ԼՂՀ կառավարության որոշումներով նախատեսված դեպքերում՝ նաև այլ հաշվառում և (կամ) գրանցումներ), կազմել հաշվետվություններ՝ իր ֆինանսատնտեսական գործունեության վերաբերյալ,
- բ. հաշվետու ժամանակաշրջանի արդյունքներով հարկային օրենսդրությամբ այլ բան սահմանված չլինելու դեպքում, ինքնուրույն հաշվարկել սահմանված հարկերի գումարները և իրականացնել դրանց վճարումը բյուջե,
- գ. սահմանված ժամկետներում հարկային մարմիններին ներկայացնել (մասնավորապես ներկայացնել էլեկտրոնային եղանակով, կամ ուղարկել փոստով, կամ հանձնել ըստ պատկանելության) հարկային օրենսդրությամբ նախատեսված հաշվետվությունները, հաշվարկները, այլ փաստաթղթեր և տեղեկություններ,
- դ. ժամանակին վճարել օրենքով սահմանված հարկերը՝ հարկային օրենսդրությամբ նախատեսված դեպքերում սահմանված կարգով կատարելով նաև դրանց կանխավճարային մուծումները,

ե. անհրաժեշտ պայմաններ ապահովել հարկային մարմինների կողմից իրականացվող ստուգումների (ուսումնասիրությունների) համար,

զ. ներկայացնել հարկային արտոնությունների՝ իր իրավունքը հաստատող փաստաթղթերը,

է. հարկային մարմինների ստուգումների (ուսումնասիրությունների) հետևանքով բացահայտված, թաքցված կամ պակաս ցույց տրված հարկվող օբյեկտի գումարի չափով ուղղումներ (ճշգրտումներ) կատարել հաշվապահական հաշվառման (հարկային օրենսդրությամբ կամ ԼՂՀ կառավարության որոշումներով նախատեսված դեպքերում՝ նաև այլ հաշվառմանը և (կամ) գրանցումներին վերաբերող) փաստաթղթերում,

ը. հարկային օրենսդրության պահանջների պահպանման նկատմամբ հսկողություն իրականացնելու համար անհրաժեշտ փաստաթղթերի՝ ոչ շուտերեն և անգլերեն լեզվով լրացված (կազմված) օրինակներին կից ապահովել դրանց հայերեն թարգմանված տարբերակները,

թ. իր գործունեության իրականացման յուրաքանչյուր հասցեում առավել տեսանելի տեղում (իսկ գտնվելու և (կամ) կառավարման որոշումների ընդունման, օպերատիվ ֆինանսական ղեկավարման վայրերում՝ համապատասխան ցուցանակների վրա) փակցնել հարկային մարմնի սահմանած ձևի հայտարարություն՝ նշելով հարկ վճարողի լրիվ անվանումը (անհատ ձեռնարկատերերի դեպքում՝ ֆիզիկական անձի անունը, հայրանունը, ազգանունը), հարկ վճարողի հաշվառման համարը, գործունեության տվյալ վայրի հասցեն և տվյալ հասցեում իրականացվող գործունեության տեսակը (տեսակները):

Անհատ ձեռնարկատերերի կողմից հաշվարկ-հաշվետվությունների և այլ տեղեկությունների կիսամյակային ներկայացումը

«Հարկերի մասին» ԼՂՀ օրենքի 20¹-ին հոդվածի համաձայն՝ տվյալ տարվա հունվարի 1-ի դրությամբ վարձու աշխատող չունեցող, լիցենզավորման ենթակա գործունեություն չիրականացնող և լիցենզիա չունեցող այն անհատ ձեռնարկատերերը, որոնց նախորդ տարվա ընթացքում մատակարարված ապրանքների և մատուցված ծառայությունների իրացման շրջանառության ընդհանուր գումարը չի գերա-

զանցել 36 մլն դրամը, յուրաքանչյուր տարվա մինչև հունվարի 20-ը ներառյալ իրենց հաշվառման վայրի հարկային մարմին են ներկայացնում հարկային մարմնի սահմանած ձևով հայտարարագիր՝ հարկային օրենսդրությամբ նախատեսված հաշվարկ-հաշվետվությունները և այլ տեղեկությունները կիսամյակային ներկայացնելու համար: Անկախ սույն մասում նշվածից՝ «Հաստատագրված վճարների մասին» ԼՂՀ օրենքով սահմանված հայտարարությունները ներկայացվում են այդ օրենքով սահմանված ժամկետներում:

Նոր ստեղծված (հաշվառված) և (կամ) վկայականը հարկային մարմին հանձնած անհատ ձեռնարկատերերը, հայտարարագիրը հաշվառման վայրի հարկային մարմին են ներկայացնում հաշվառման և (կամ) վկայականի հետ ստացման օրվանից մեկամսյա ժամկետում:

Հայտարարագրվող ժամանակահատվածում վարձու աշխատող ունենալու և (կամ) լիցենզավորման ենթակա գործունեություն իրականացնելու և (կամ) լիցենզիա ունենալու դեպքում անհատ ձեռնարկատերերը փաստը տեղի ունենալու կիսամյակին հաջորդող ամսվա 1-ից մինչև տվյալ տարվա վերջը հաշվարկ-հաշվետվությունները և այլ տեղեկությունները ներկայացնում են այդ հարկատեսակների մասին օրենքներով սահմանված ընդհանուր կարգով, բացառությամբ «Եկամտային հարկի մասին» ԼՂՀ օրենքով սահմանված՝ վարձու աշխատողի և պայմանագրային եկամուտ ստացող ֆիզիկական անձի անհատական տվյալների գրանցման հայտի և եկամտային հարկի հաշվարկի, որոնք ներկայացվում են փաստը տեղի ունենալու ամսվանից սկսած՝ այդ օրենքով սահմանված կարգով և ժամկետներում:

ԼՐԱՑՈՒՑԻՉ ՏԵՂԵԿՈՒԹՅՈՒՆՆԵՐ

Հարկային մարմին հաշվետվությունների ներկայացման ժամկետներին կարելի է ծանոթանալ հարկային մարմնի պաշտոնական կայքում՝ www.tax.nk.am՝ «Հարկային օրացույց» քաժնում:

Հարկային մարմնի պաշտոնական կայքից կարող եք ներբեռնել **հարկային հաշվարկների և հայտարարագրերի ձևերը:**

Հաստատագրված վճարների, ինչպես նաև հարկային օրենսդրու-

թյան և վարչարարության այլ հարցերի վերաբերյալ լրացուցիչ տեղեկությունների համար կարող եք այցելել հարկային մարմնի www.tax.nk.am պաշտոնական կայքէջ, կամ դիմել ԼՂՀ ֆինանսների նախարարության հաշվառման վայրի հարկային մարմին՝

Մտեփանակերտ քաղաքի հարկային տեսչություն՝

ք. Ստեփանակերտ, Տիգրան Մեծի 16, հեռ. (047) 95-13-97

Ասկերանի շրջանի հարկային տեսչություն՝

ք. Ասկերան, Ն.Ստեփանյան 16, հեռ. (047) 67-70-17

Մարտակերտի շրջանի հարկային տեսչություն՝

ք. Մարտակերտ, Ազատամարտիկների 107, հեռ. (047) 42-18-68

Մարտունու շրջանի հարկային տեսչություն՝

ք. Մարտունի, Փետրվարի 12/27, հեռ. (047) 82-13-77

Հաղրուքի շրջանի հարկային տեսչություն՝

ք. Հաղրուք, Շահումյան 1, հեռ. (047) 55-14-47

Շուշիի շրջանի հարկային տեսչություն՝

ք. Շուշի, Ն.Դուման 2, հեռ. (047) 73-19-98

Քաշաթաղի շրջանի հարկային տեսչություն՝

ք. Բերձոր, Երևանյան մայրուղի 3/2, հեռ. (047) 75-22-58

Շահումյանի շրջանի հարկ վճարողների բաժին՝

ք. Քարվաճառ, Վարչակազմի շենք, հեռ. (097) 28-77-99

**ՏԵՂԵԿՈՒԹՅՈՒՆՆԵՐ
ԲՅՈՒՋԵՏԱՅԻՆ ՀԱՇԻՎՆԵՐԻ ՄԱՍԻՆ**

Հաստատագրված վճարներ իրավաբանական անձանցից		
1	91 5005 1201 17	Առևտրի իրականացման վաճառքից դուրս գտնվող՝ խանութների, կրպակների (տաղավարների) և այլ վաճառատեղերի միջոցով առևտրական գործունեություն իրականացնելու համար
2	91 5005 1203 15	Հանրային սննդի ոլորտում գործունեություն իրականացնելու համար
3	91 5005 1204 14	Ավտոտրանսպորտային գործունեություն իրականացնելու համար
4	91 5005 1209 19	Համակարգչային խաղեր կազմակերպելու համար
5	91 5005 1215 11	Ավտոտեխսպասարկման կայանների գործունեություն իրականացնելու համար
6	91 5005 1216 10	Վարսավիրական ծառայությունների մատուցման գործունեություն իրականացնելու համար
7	91 5005 1217 19	Ավտոկանգառների գործունեություն իրականացնելու համար
8	91 5005 1218 18	Արդյունագործական ձկնորսության գործունեություն իրականացնելու համար
9	91 5005 1220 14	Վիճակախաղեր կազմակերպելու համար
10	91 5005 1223 11	Ավտոտրանսպորտային միջոցների գազացման գործունեություն կազմակերպելու համար
11	91 5005 1224 10	Բաղմիքներ և ցնցողարաններ կազմակերպելու համար
12	91 5005 1225 19	Բիրիարդ խաղ կազմակերպելու համար
13	91 5005 1227 17	Առևտրի իրականացման վաճառքում գտնվող՝ խանութների, կրպակների (տաղավարների) և այլ վաճառատեղերի միջոցով առևտրական գործունեություն իրականացնելու համար
14	91 5005 1229 15	Առամնաբուժական ծառայության մատուցման գործունեության համար
Հաստատագրված վճարներ ֆիզիկական անձանցից		
1	91 5005 1301 16	Առևտրի իրականացման վաճառքից դուրս գտնվող՝ խանութների, կրպակների (տաղավարների) և այլ վաճառատեղերի միջոցով առևտրական գործունեություն իրականացնելու համար
2	91 5005 1303 14	Հանրային սննդի ոլորտում գործունեություն իրականացնելու համար
3	91 5005 1304 13	Ավտոտրանսպորտային գործունեություն իրականացնելու համար
4	91 5005 1309 18	Համակարգչային խաղեր կազմակերպելու համար
5	91 5005 1315 10	Ավտոտեխսպասարկման կայանների գործունեություն իրականացնելու համար
6	91 5005 1316 19	Վարսավիրական ծառայությունների մատուցման գործունեություն իրականացնելու համար
7	91 5005 1317 18	Ավտոկանգառների գործունեություն իրականացնելու համար
8	91 5005 1318 17	Արդյունագործական ձկնորսության գործունեություն իրականացնելու համար

9	915005132013	Վիճակախաղեր կազմակերպելու համար
10	915005132310	Ավտոտրանսպորտային միջոցների գազացման գործունեություն կազմակերպելու համար
11	915005132419	Բաղմիքներ և ցնցողարաններ կազմակերպելու համար
12	915005132518	Բիլիարդ խաղ կազմակերպելու համար
13	915005132716	Առևտրի իրականացման վաճառում գտնվող՝ խանութների, կրպակների (տաղավարների) և այլ վաճառատեղերի միջոցով առևտրական գործունեություն իրականացնելու համար
14	915005132914	Առամնաբուժական ծառայության մատուցման գործունեության համար
Եկամտային հարկ աշխատավարձից և դրան հավասարեցված այլ եկամուտներից		
1	915005600134	Եկամտային հարկ հարկային գործակալի պարտավորություններից չազատված այլ գործատուների կողմից աշխատողներին վճարվող աշխատավարձից և դրան հավասարեցված այլ եկամուտներից
2	915005600159	Հարկային գործակալի կողմից պահված եկամտային հարկ քաղաքացիաիրավական պայմանագրերի շրջանակում կատարված աշխատանքների (այդ թվում՝ մատուցված ծառայությունների) դիմաց ստացված եկամուտներից
3	915005600175	Եկամտային հարկ վարձու աշխատողի աշխատանքի ընդունմանը ԱԳՀ օրենսդրությամբ սահմանված կարգով գրավոր չձևակերպելու դեպքերում
Եկամտային հարկ ձեռնարկատիրական գործունեությունից ստացված եկամուտներից		
1	915005600225	Եկամտային հարկ հաստատագրված վճար վճարող ԱԳ-երի ձեռնարկատիրական գործունեությունից ստացած եկամուտներից
Եկամտային հարկ պահիվ եկամուտներից		
1	915005600316	Եկամտային հարկ ռոյալթիներից
2	915005600324	Եկամտային հարկ փոխառություններից ստացված եկամուտներից
3	915005600340	Եկամտային հարկ գույքը վարձակալության տալուց ստացված եկամուտներից
4	915005600357	Եկամտային հարկ գույքի օտարումից ստացված եկամուտներից
Եկամտային հարկ այլ աղբյուրներից ստացված եկամուտներից		
1	915005600415	Եկամտային հարկ առանց սահմանված կարգով պայմանագիր կնքելու դեպքերում հարկային գործակալի կողմից վճարված եկամուտներից (10 տոկոս)
2	915005600431	Եկամտային հարկ նվիրատվության և օգնության կարգով ստացված գույքից և դրամական միջոցներից
3	915005600456	Եկամտային հարկ քաղաքացիաիրավական պայմանագրերի կատարումից ստացված այլ եկամուտներից
4	915005600464	Եկամտային հարկ այլ աղբյուրներից ստացված եկամուտներից

Գույքահարկ		
1	91 50050801 13	Գույքահարկ կազմակերպություններից
2	91 50050802 12	Գույքահարկ ֆիզիկական անձանցից
Հողի հարկ համայնքների վարչական տարածքներից դուրս գտնվող հողի համար		
1	91 50051001 19	Գյուղատնտեսական նշանակության հողերի համար
2	91 50051002 18	Ոչ գյուղատնտեսական նշանակության հողերի համար
Ավտոմոբիլային ճանապարհների շինարարության, նորոգման և պահպանման համար կատարվող հատկացումներ		
1	91 50052701 10	Ավտոտրանսպորտային ծառայությունների մատուցումից ստացած հասույթի (հաշվեգրման եղանակով հաշվարկված) 2 տոկոսի չափով
2	91 50052702 19	Գործունեության մյուս տեսակների գծով ստացած հասույթի (հաշվեգրման եղանակով հաշվարկված) 0.2 տոկոսի չափով

Թուղթը՝ օֆսեթ, տպագրությունը՝ օֆսեթ, չափսը՝ 60x84¹/₁₆,
 ծավալը՝ 3 տպ. մամուլ, տպաքանակը՝ 200:

Տպագրվել է «Դիզակ պլյուս» հրատարակչության տպարանում
 Ստեփանակերտ, Հ.Հակոբյան, 25